



Heit og ljúffeng

PIZZA
 HAMRABORG Hafnarstræti 7 - 456 3166

Gerid gamla húsið nýtt

 Íbúðalánasjóður
 www.ils.is


 Nýtt
 símanúmer
 Landsbankans
 á Ísafirði
 er
410 4156
 Landsbankinn
 Sími 410 4156
 Fax 410 3018

 **Óháð fréttablað á Vestfjörðum í 20 ár**
BÆJARINS BESTA
 Sto fnað 14. nóvember 1984 · Sími 456 4560 · Veffang: www.bb.is · Verð kr. 300 m/vsk

Fimmtudagur 24. ágúst 2006 · 34. tbl. · 23. árg.

Sturla Böðvarsson, samgönguráðherra, vígði Þingeyrarflugvöll á laugardag en völluminn hefur verið endurbættur. „Breytingin er fyrst og fremst nýr valkostur sem eykur flugöryggi og að sjálf-sögðu fækkar þetta þeim dögum sem flug er fellt niður á Ísafjarðarflugvelli. En aðal-kosturinn er sá að stefna flugbrautarinnar á Þingeyri er í þá vindátt sem er óhagstæðust er fyrir flug á Ísafjarðarflugvelli, sem er S-A átt,“ segir Guðbjörn Charlesson, umdæmisstjóri Flugmálastjórnar Íslands á Vestfjörðum, aðspurður hvað þessar breytingar þýddu. Þorgeir Pálsson, flugmálastjóri, tók í sama streng og fagnaði því að Þingeyrarflugvöllur geti nú tekið á móti Fokkerflugvéllum án þeirra takmarkana sem áður voru til staðar. „Þar með er Þingeyrarflugvöllur orðin fullgildur varaflugvöllur fyrir Ísafjarðarflugvöll og mikilvægur hlekkur í flugsamgöngukerfi Vestfjarða. Í reynd lítur Flugmálastjóri á þessa tvo flugvelli sem eitt samgöngumannvirki enda er það rekið sem slíkt.“



Samgönguráðherra vígði endurbættan Þingeyrarflugvöll

Áætlunarflug til Þingeyrar lagðist af árið 1996, en völluminn hefur verið varaflugvöllur fyrir Ísafjarðarflugvöll einkum ef veður hefur verið óhagstætt á Ísafirði. Eftir endurbæturnar má búast við því að þeim ferðum fækki sem fellðar eru niður. Talið er að á hverju ári frestist um 70-80 flugferðir til Ísafjarðar, vegna

veðurs. Með tilkomu endurbýgðs Þingeyrarflugvallar ætti sú tala að lækka umtalsvert.

Endurbæturnar hafa staðið yfir frá því í júní á síðasta ári og er völluminn orðin einn besti flugvöllurinn á Íslandi. Nú

getur Fokkervél Flugfélags Íslands lent á flugvöllinum og tekið á loft með sama flugtaksþunga og á Ísafirði. Flugbrautin var lengd og er nú orðin tæpir 1200 metra með öryggissvæðum, en öryggissvæðin eru nýtt til flugtaks.

Einnig voru öryggissvæði ásetin í fulla breidd. Bundið slitlag hefur verið lagt á brautina ásamt flugvélahlaði og bílastæðum.

Sett voru upp flugbrautar- og akbrautarljós af fullkomnu-ustu gerð, einnig aðflugsljós

ásamt leifturljósum. Hæðahindrunarljós verða sett upp næstu dögum sem eru nauðsynleg vegna aðflugs og brottflugs frá flugvöllinum. Tverveðurstöðvar eru á flugvöllinum og tengjast þær flugturninum á Þingeyri og Ísafirði.

„Yfirgangur og einræðistilburðir“

Bæjarstjórnarfundur var haldinn í Ísafjarðarbæ síðastliðið fimmtudagskvöld að undirlagi bæjarfulltrúa Í-listans sem óskuðu eftir honum til að ræða ágreiningsmál sem komið hafa upp í bæjarráði í sumar, en eins og kunnugt er tók bæjarstjórn sér frí í júlí og ágúst. Fundurinn stóð yfir

skemur en í eina klukkustund sökum þess að starfandi forseti bæjarstjórnar, Ingi Þór Ágústsson, tók við fyrirspurnum en ákvað að framkomnar tillögur lægju fyrir fundinum með afbrigðum þannig að 2/3 bæjarfulltrúa þyrftu að samþykkja að þær væru teknar á dagskrá.

Meirihluti bæjarstjórnar veitti svo ekki samþykki sitt fyrir því að dagskrármál þau er bæjarfulltrúar Í-listans vildu ræða væru tekin á dagskrá, og úrskurðaði forseti þá að engin dagskrármál lægju, og mun þetta í fyrsta skipti í sögu bæjarstjórnar Ísafjarðarbæjar sem bæjarstjórnarfundur er

með öllu dagskrárlaus.

Á heimasíðu Í-listans má lesa stuttan pistil Björns Davíðssonar um málið, en hann hafði ætlað að hlusta á fundinn á netinu. „Ég gat því miður ekki fylgst með fundinum [...] en viti menn, útsending af þessum sögulega fundi var ekki í gangi, og ekki

veit ég hvort upptaka af honum verður tiltæk heldur. En eitt er víst, að meirihluti bæjarstjórnar er ekki tilbúinn í opinberar umræður um þær tillögur sem fram voru lagðar og 1003 kjósendum í Ísafjarðarbæ er sagt að éta það sem úti frýs.“ Frekar má fræðast um málið inni í blaðinu.

„ÁHYGGJULAUS“
 ALLT UM FLUTNINGA INNANLANDS – EITT NÚMER
 EIMSKIP | Kongsgötum 2 | 104 Reykjavík | www.eimskip.is
 **VIÐSKIPTA ÞJÓNUSTA EIMSKIPS 525 7800**

Ók á ljósastaur

Ókumaður bíls sem ók á ljósastaur í Skriðunum á Óshlíðarvegi um hálf tvö leytið aðfaranótt sunnudags var fluttur með sjúkrabíl á Fjórðungssjúkrahúsið á Ísafirði. Hafði hann hlotið áverka á baki, en reyndist ekki alvarlega slasaður. Bíllinn er hins vegar gjörónýtur að sögn lögreglunnar í Bolungarvík og ljósastaurinn illa skemmdur og kalla þurfti út menn frá Orkuveitunni til að gera við hann.

FB

Malbikað á Suðureyri



Mynd: Suðureyri.

Fjöldmennur hópur manna og tækja hefur verið að störfum við að malbika götur á Suðureyri undanfarið. Vegagerðin sá um yfirlögn með malbiki á stóran hluta yfir Eyrargötu og Aðalgötu en þær götur eru þjóðvegur í þéttbýli. Ísafjarðarbær stóð hins vegar að nýlögnum við Túngötu en í fyrra haust stóð til að klára verkið með bundnu slitlagi en það frestaðist þá vegna veðurs. Hjallabyggð og Túngatan við tjörnina eru þó enn malargötur en eftir er að ganga frá lögnum og jarðvegsvinnu þar áður en hægt verður að loka þeim með bundnu slitlagi eða malbiki. Frá þessu er greint á vef Suðureyrar.

thelma@bb.is

Innanfélagsmót Sjóis frá Bolungarvík



Róið verður frá Bolungarvík.

Innanfélagsmót Sjóstanga-veiðifélags Ísfirðinga verður haldið á laugardag. Mótíð er hugsað sem æfing fyrir félagsmenn og til þess að þjálfa nýliða. Róið verður frá Bolungarvík og látið úr höfn kl. 9 og komið að landi um kl. 15. Þátttökugjald er ekkert og eru nýir veiðifélagar velkomnir en reyndir veiðimenn munu aðstoða og leiðbeina þeim sem ekki hafa prófað að veiða með veiðistöng úti á sjó. FB

Nýr framkvæmdastjóri ráðinn til Aðlöðunar

Starfsemi beituverksmiðjunnar Aðlöðunar er komin í fullan gang á ný og hefur verið ráðinn nýr framkvæmdastjóri. Það er Júlíana Jónsdóttir, en hún er fyrirtækinu ekki ókunnug þar sem hún hefur starfað fyrir helsta viðskiptavin Aðlöðunar í Danmörku. Verksmiðjan hefur á undanförunum árum þróað nýja aðferð við framleiðslu á beitu, með það að markmiði að beitan yrði úr sem allra ódýrustu hráefni sem kæmi í stað beitu úr fiski sem hæfur er til manndís. Rekstur beituverksmiðjunnar hefur þó átt á

brattann að sækja í gegnum tíðina og hefur verið endurskipulagður. eru aðstandendur verksmiðjunnar sannfærðir um að nú séu bjartari tímar framundan. Markmið fyrirtækisins er að verða leiðandi á sviði beituframleiðslu með útvíkkunarmöguleikum í aðrar iðngreinar. Aðlöðun hefur selt beitu til Danmörku en innanlands markaðssetning og sala mun hefjast innan skamms og standa vonir til þess að hægt verði að selja framleiðslu fyrirtækisins jöfnu höndum innanlands og erlendis. Starfsemi Aðlöðunar

fer fram í húsnaði Frosta hf. í Súðavík


Endurfjármögnun fór fram hjá Aðlöðunar í vorið 2005 og fjárfesti Súðavíkurhreppur 20 milljónir í fyrirtækinu í byrjun árs í kjölfar flutnings þess í sveitarfélagið. Þegar hreppurinn kom inn í fyrirtækið var Aðlöðun með einkaleyfi á framleiðslunni á Íslandi en síðar fékkst einkaleyfi á framleiðslunni og framleiðsluáferðinni í 27 löndum.

Ekki náðist í framkvæmdastjóra Aðlöðunar við vinnslu þessarar fréttar en hún er stödd í Danmörku. *thelma@bb.is*



Starfsemi Aðlöðunar er í Frosta í Súðavík.

Kominn grunnur að reiðhöllinni á Söndum



Teikningar af nýju reiðhöllinni sem rísa mun á Söndum í Dýrafirði. Mynd: thingeyri.is.

Framkvæmdir við nýju reiðhöllina á Söndum í Dýrafirði ganga vel og er þegar búið að steypa grunninn. Það var Bragi Björgvinsson verkstjórnari frá Bolungarvík sem hafði verkið með höndum. Húsið sjálft er einingahús sem framleitt er af fyrirtækinu Límtré vírnet á Flúðum og er áætlað að búið verði að reisa það í lok september. Það er hestamannafélagið Stormur sem stendur fyrir byggingu hallar-

innaren félagið stofnaði síðast liðið vor einkahlutafélagið Knapaskjól ehf. í samvinnu við Atvinnuþróunarfélag Vestfjarða um eignarhald og rekstur reiðhallarinnar. Mikill hugur er í þeim Stormsfélögum og stefna þeir að því að taka höllina í notkun fyrir áramót.

Sandar í Dýrafirði hafa lengi verið miðstöð hestamanna á Vestfjörðum. Þar er löglegur keppnisvöllur með

tveimur hringvöllum, 300 m kappreiðbraut, gott áhorfendasvæði, dómhús, tanníng- og kennslugerði og tjaldsvæði. Reiðhöllin mun bæta aðstöðu til mótshalda og styrkja Sanda enn frekar sem miðstöð hestamanna hér vestra.

Bæjarstjórn Ísafjarðarbæjar samþykkti í vor byggingarleyfi fyrir 820 m² reiðhöll á 6600 m² lóð á Söndum, eins og kunnugt er. Ísafjarðarbær mun leggja til fjárframlag að upphæð 6,3 milljónir króna sem skiptist þannig að styrkur vegna byggingarleyfisgjalda greiðist á árinu 2006 og eftirstöðvar greiðast á árunum 2007-2009. Bæjarstjórn Ísafjarðarbæjar mun tryggja að í fjárhagsáætlun hvers þessara ára verði gert ráð fyrir greiðslum til Storms. FB

Ertu orðin(n) áskrifandi?

Kristinn langt frá því að ná kjöri

Kristinn H. Gunnarsson þingmaður Framsóknarflokksins í Norðvesturkjördæmi hlaut ekki náð fyrir augum fulltrúa á flokksþingi Framsóknarflokksins um helgina. Kristinn bauð sig fram til ritara flokksins og hlaut 2,7 prósent atkvæða eða 16 af 578 gildum atkvæðum. Sæunn Stefánsdóttir var kjörin ritari með miklum yfirburðum eða 75 prósent atkvæða en Haukur Logi Karlsson kom næstur með 14 prósent atkvæða.

smari@bb.is



Kristinn H. Gunnarsson.

EIMSKIP

Atvinna

Vöruhúsaþjónusta hjá Eimskip á Ísafirði
Leitað er að ábyrgum einstaklingi til starfa í afgreiðlu og vöruhúsi Eimskips á Ísafiði. Fyrir réttan aðila er í boði fjölbreytt, áhugavert og krefjandi starf.

Æskilegt er að viðkomandi starfsmaður geti hafið störf sem fyrst.

Starfskröfur:

Vörumóttaka

Vöruafgreiðsla

Mentun og hæfniskröfur:

Lyftararéttindi

Meirapróf

Hæfni í mannlegum samskiptum

Góð þjónustulund og jákvæðni

Hreint sakavottorð

Nánari upplýsingar um starfið veitir Hafþór Halldórsson, rekstrarstjóri Eimskips á Ísafirði í síma :525-7891 og netfang: hrh@eimskip.is

FB

Íþróttþjálfun gefur einingar til stúdentsprófs

Menntaskólinn á Ísafirði í samvinnu við Íþróttakademíuna í Reykjanesbæ, mun nú í haust bjóða nemendum sem hafa áhuga á keppnis- og afreksíþróttum upp á þá nýbreytni að æfa á skólatíma samkvæmt stundaskrá þrjá morgna í viku og fá nemendur 2 einingar til stúdentsprófs standist þeir þær kröfur sem gerðar eru um árangur. Kennsla og þjálfun verður samkvæmt æfingaáætlunum á Íþróttakademíunni í Keflavík og Fjölbrautaskóla Suðurnesja og munu kennarar frá ÍAK koma vestur þrisvar á önn til að kenna og aðstoða við útfærslu kennsluáætlana. Fyrsta heimsókn þeirra verður þann 1. september og munu þeir þá kynna nemendum og þjálfurum þeirra áætlanir um

skipulag kennslunnar. Hermann Nielsón íþróttakennari við MÍ mun hafa umsjón með þjálfuninni í samráði við ÍAK og í samstarfi við íþróttafélögin í nágrenni skólans og þjálfara þeirra. Segir hann að hugmyndin að baki þessarar nýbreytni sé sú að koma til móts við afreksfólk í fullu námi sem standi eðlilega höllum fæti miðað við það íþróttafólk sem getur æft tvisvar á dag. Mikilvægt sé að þjálfara grunnþætti líkamans svo sem: þol, þrek, snerpu, liðleika og samhæfingu hreyfinga ásamt tæknipjálfun íþróttagreinar að morgni og fylgja því eftir með keppnislíkri þjálfun á kvöldin, en það sé að sjálfsögðu erfið fyrir fólk í fullu námi að koma því við.

Sex nemendur hafa þegar skráð sig, en til þess að nauðsynleg fjárveiting fái til verkefnisins er lágmark að tíu nemendur séu skráðir. Hermann er bjartsýnn á að tíu nemenda lágmarkið náist en segir þó ekki útilokað að undanþága fái frá þeirri reglu ef með þurfi.

Menntaskólinn á Ísafirði hefur í nokkur ár menntað og útskrifað þjálfara í mörgum íþróttagreinum sem hlotið hafa starfsmenntun frá sér-samböndum viðkomandi íþróttagreina innan ÍSÍ. Margir viðkomandi nemenda eru nú starfandi sem barna- og unglingaþjálfarar íþróttafélaganna á norðanverðum Vestfjörðum.



Oft á tíðum hefur lagt út mikinn og áberandi útblástursreyk frá Funa.

Forgangsverkefni að bæta úr sjónmengun Funa

Halldór Halldórsson, bæjarstjóri Ísafjarðarbæjar, segir það vera óásættanlegt að sýnileg mengun frá sorpbrennslustöðinni Funa verði áfram til staðar og segir það eigi að vera forgangsverkefni að bæta úr því. Bæjarbúar hafa lengi kvartað undan útblástursreyk Funa en talið var að ónýtar pokasíur væru orsök in fyrir því að hann hefur verið óeðlilega áberandi upp á síðkastið. „Síurnar eru komnar og verður farið í það núna að setja þær upp. Ég er

alveg sammála því sem komið hefur fram um Funa að undanförmu að eins og er nú er ástandið vonlaust. Þess vegna verður það að vera forgangsverkefni að laga þetta og við bindum miklar vonir við síurnar“, segir Halldór. Undanfarna daga hefur umræðan um Funa aukist og hefur því verið varpað fram að staðsetning sorpbrennslustöðvarinnar sé ekki við hæfi. „Ég skil að fólk vilji flytja stöðina í burtu en það er a.m.k. tvennt sem að mælir með því

að við reynum til þrautar að bæta stöðuna þar sem hún er; í öðru lagi er það gríðarleg fjárfesting og framkvæmd að flytja svona stöð. Um er að ræða mannvirki upp á nokkur hundruð milljónir, fyrir utan að það hefur verið lagður mikill kostnaður í að verja stöðina. Hinsvegar gerir núverandi staðsetning hennar það að verkum að hægt er að nota orkuna frá henni og selja hana til dreifikerfis Orkubúsins“, segir Halldór. Pokasían saman stendur af

sextíu pokum inn í stórum stálhólki og síar búnaðurinn ryk úr útblæstrinum en að auki er stöðin búin vothreinsibúnaði. Síur hefur vantað síðan síðsumars í fyrra en þá voru komin gót á poka sem höfðu verið uppi í ár. Búist var við því að aðeins tæki nokkrar vikur að panta og setja upp nýja poka en það hefur nú dregist um fleiri mánuði og ku ástæðan vera sú að ekki var vitað hvað olli skemmdunum á pokunum sem komu gót á.

Stöðugt fasteignaverð

Mikið líf hefur verið á fasteignamarkaðinum á Ísafirði að undanförmu og hefur eftirspurn og verð haldist stöðugt. „Fasteignamarkaðurinn hefur verið ágætlega líflægur í sumar, það má þó alltaf búast við rólegheitum yfir helsta sumarleyfistímann. Framboð af góðum eignum mætti vera meira, okkur vantar allar gerðir eigna núna á söluskra, allt frá tveggja herbergja íbúðum upp í einbýli. Eftirspurn hefur verið stöðug síðustu mánuði og við höfum ekki tekið eftir neinum verulegum samdrætti eins og maður er

að heyra frá fasteignasölu á höfuðborgarsvæðinu“, segir Guðmundur Óli Tryggvason, löggiltur fasteignasali hjá Fasteignasölu Vestfjarða. Fasteignaverð hefur nú verið stífgandi hér vestra um nokkurt skeið en er um þessar mundir stöðugt. „Eftir verulegar verðhækkningar síðastliðin tvö ár hefur verðið haldist stöðugt síðustu mánuði og ekki útlit fyrir annað en að verðlag haldist stöðugt hér að okkar mati“, segir Guðmundur Óli.

– thelma@bb.is



Ísafjörður.

Grímur bæjarstjóri boðinn velkominn til Bolungarvíkur



Halla Signý Kristjánsdóttir skrifstofustjóri Bolungarvíkurkaupstaðar og staðgengill bæjarstjóra stóð upp fyrir Grími Atlasyni úr bæjarstjórnunum.

Grímur Atlason, nýráðinn bæjarstjóri Bolungarvíkur, og fjölskylda hans voru boðin velkominn til bæjarins á fjölskylduhátíð í Víkurbae á fimmtudag. Það var glatt á hjalla en boðið var upp á veglega dagskrá þar sem tónlist var í fyrirrúmi. Þá var Grímur boðinn formlega velkominn til starfa með því að Halla Signý Kristjánsdóttir,

staðgengill bæjarstjóra, stóð upp fyrir honum úr táknrænum bæjarstjórnunum og hann fékk sér sæti. Grímur er þroskaþjálfari að mennt og starfaði lengi sem slíkur bæði á Íslandi og í Danmörku. Síðastliðin sex ár hefur hann rekið fyrirtækið Austur-Þýskalund, sem er umboðsstofa fyrir tónlistarmenn. Auk þessa starfaði Grímur

fyrir Vinstri Græna í borgarmálapólitíkinni undanfarin ár og setið í nefndum fyrir flokkinn. Þá hefur einnig sést til hans slá bassagígju með hljómsveit Dr. Gunna. Hann tekur við bæjarstjórnunum af Einari Péturssyni tók við sem bæjarstjóri í byrjun ársins 2003 af Ólafi Kristjánssyni sem sinnt hafði starfinu í 16 ár.

Þá hefur komið fram að Grímur fái verðlaun nái hann að fjölga bæjarbúum á meðan

hann situr í bæjarstjórnunum. Ákvæði um þetta ku vera í ráðningarsamningi Gríms. Óhætt er að segja að Grímur hefur ærið starf fyrir höndum, enda hefur Bolvíkingum fækkað um 16,5% síðan 1997, eða úr 1.093 í 913. Mest var fækkunin frá 1997 til 1998, en þá fækkaði um 75 manns. Minnst var fækkunin frá 2002 til 2003, en þá fækkaði einungis um sjö manns.

– thelma@bb.is



Vel fór á með Grími og Ómari Má Jónssyni sveitarstjóra Súdavíkurhrepps.

Grunnskólinn á Ísafirði

Skólasetning

Nemendur mæti á sal skólans mánudaginn 28. ágúst sem hér segir:

Kl. 9:00, 8.-10. bekkur.

Kl. 10:00, 5.-7.. bekkur.

Kl. 11:00, 2.-4. bekkur.

Nemendur í 1. bekk verða boðaðir sérstaklega.

Innkaupalistar eru á hemasíðu skólans.

Skólastjóri

Laus störf


Bakkavík hf. auglýsir eftir starfsmanni í viðhald og vélgæslu.

Viðkomandi þarf að geta hafið störf sem fyrst. Umsóknarfrestur er til 31. ágúst 2006.

Upplýsingar veitir Arnar Smári Ragnarsson í síma 861-8984.

Háseta vantar á Einar Hálfðans ÍS-11 sem stundar línuveiðar með beitningarvél um borð.

Upplýsingar veita Agnar eða Daðey í síma 450-7500.



Hreinn og SÚM-hópurinn

Hreinn var einn af stofnendum SÚM-hópsins, sem er einhver áhrifamesta hreyfing íslenskrar myndlistar frá upphafi. Í grein sinni „Umbrotatími í sjónhendingu“, segir Aðalsteinn Ingólfsson m.a. um list SÚM-hópsins: „Ungir menn og konur, kennd við SÚM hópin, réðust að rótum þeirrar myndlistar sem ofangreindir listjöfrar [hin svonefnda Septemberkynslóð, m.a. Þorvaldur Skúlason og Gunnlaugur Scheving. Innsk. blm.] voru fulltrúar fyrir. Meðal annars sendu SÚMarar langt nef hugmyndinni um „frumsköpunina“, „andagiftina“ og „mannbætandi náttúru“ sköpunarverksins, en allt voru þetta hugtök sem hugumstórir móðernistar höfðu haft á lofti. Þess í stað upphóf ungvíðið hið hversdagslega, ólístræna, tilviljunarkennda og jafnvel fáránlega.“

SÚM-hópurinn hélt sína fyrstu sýningu á Mokka á Skólavörðustíg árið 1965, og þar sýndi Hreinn brotna hurð. Á næstu árum óx hópurinn mjög og setti upp framsækið gallerí fyrir ofan gamalt trésmíðaverkstæði við Vatnsstíg. Upp úr 1970 fóru þessir listamenn að sækja burt frá Íslandi og þá aðallega til Amsterdam, en þangað flutti Hreinn árið 1971. Á Amsterdam árum SÚM-hópsins fóru ljósmyndir að verða fyrirferðarmeiri í verkum SÚM-ara og þá ekki síst í verkum Hreins.

Á vef Reykjanesbæjar segir m.a. um myndlist Hreins: „Þegar litid er yfir verk Hreins fer ekki á milli mála að ljósmyndin er honum afar hugleikin. Hann notar hana í hugmyndaverkum sínum og sem hluta í samsettum lágmyndum, en einnig sem heimild eða skrásetningu. Hreinn hefur sjálfur sagt að hann reyni alltaf að hafa upp á því sem er óvenjulegt í hinu venjulega og þau orð eiga vel við ljósmyndir hans frá áttunda áratugnum. Þá gerði hann oft heimildarmyndir af ofur-

venjulegum hlutum eða atvikum; myndir sem eru einhvern veginn mjög afslappaðar en samt einbeittar og hárnákvæmar og ná fyrir vikið að skapa sérkennilegan galdur. Raunar mætti í grófum dráttum skipta verkum Hreins hingað til í þrjú skeið. Á áttunda áratugnum gerði hann nær eingöngu ljósmyndaverk í anda hugmyndalistar. Á níunda áratugnum tók hann að glíma við áþreifanlegan efnivið og formbyggingu og gerði samsettar, þrívíðar lágmyndir sem eru oft dálítill leikrænar og dulúðugar. Á tíunda áratugnum ber aftur meira á ljósmyndum og einföldum hversdagslegum fyrirbærum í verkum Hreins. Í viðtali sem tekið var við hann fyrir nokkrum árum segist hann alltaf reyna að koma auga á möguleika sem tengjast einhverju sem er fyrir hendi og gera á því „örlítla breytingu sem nægir til að blása í það nýju lífi“.

Ars Fennica verðlaunin

Þegar Hreinn hlaut Ars Fennica verðlaunin árið 2000 sagði listfræðingurinn og dómmefndarmeðlimurinn Jean-Christophe Ammann í um-sögn sinni að Hreini væri falið það vald að grípa allra sterkustu tilfinningar mannsins á hinn einfaldasta hátt. „Hreinn Friðfinnsson er ljóðskáld. Hann „talar“ við okkur um ljósið, vindinn, landslagið, um grjótin og krystalana, um aðdráttarafl jarðar og um tilfinningar. Árið 1972 byggði hann hlið fyrir sunnanáttina á einmanaalegum stað á suðurströnd Íslands. Hann byggði þau þannig að sunnanáttinni var auðið að opna hliðin. Á rigningardegi skömmu eftir að hann hafði lokið byggingu hliðanna var hann að ljósmynda hliðin þegar vindurinn snerist til norðanáttar; hliðin opnuðust ekki og listamaðurinn sneri aldrei aftur á þennan stað. Þessi saga hefur kraft „barnasögunnar“; kraft sem leyfir ódulbúinni hugmynd og aðgerð að flæða inn í mynd.

Listamaðurinn Hreinn Friðfinnsson



Verkið Að teikna tígrisdýr (1971).



Placement/Staðsetning (1999).

Ári síðar blæs vindurinn frá hafinu svo hart í andlit honum að augun fyllast tárur, en þrátt fyrir þetta missir hann ekki sjónar á hafstorminum. Myndin sem grípur þetta augnablik er blaðörk í einföldum ramma á hverri stendur: „Ég hef horft á hafið í gegnum tár mín“. Í einfaldleika sínum má finna í þessu verki sköpunarkraftinn þar sem við minnumst okkar sjálfra þegar við uppgötvuðum veröldina sjálf, skref fyrir skref. Með hjálp sveiflurita sem túlkar raddir „málar“ hann, á djúpláan bakgrunn ljóss, „söng“, og formin tjá okkur langanir, depurð – söng af þeirri tegund sem við kannski þekkjum ekki lengur. Á síðasta ári setti hann 30 cm háan þrístrending á þrífót og greip ljós regnbogans með höndunum, rétt eins og okkur dreymdi sem börn um að ganga undir regnbogann. Verk Hreins Friðfinnssonar grípa áhorfendur í krafti hugtækra skerpu sinnar. Þökk sé því er honum kleift að grípa allra sterkustu tilfinningar mannsins á hinn einfaldasta hátt.“


Þegar hugsað er til orða Ammanns um þrístrendinginn sem grípur regnbogann, má einnig minnast orða Hannesar Sigurðssonar, úr opnunarræðu sýningarinnar Meistarar form-sins þegar hann sagði: „Hreinn Friðfinnsson er sennilega ljóðrænastur allra íslenskra myndlistarmanna; verk hans eru stundum svo fínleg að þau minna helst á ljósgeisla, engu er ofaukið og ljóðið ratar ávallt inn um gluggann.“



Eitt af verkum Hreins, 7, (1978-79), sjö svarthvítar ljósmyndir.

Eins og segir í upphafi þessarar samantektar hefur verið samið um kaup MÍ á verki Hreins „Ljós“. Hreinn vinnur að verkinu sem stendur og verður það sett upp í minningu Jóns Sigurðssonar „forseta“ á lóð MÍ, en til stendur að verkið verði afhent þann 1. desember næstkomandi.

Upphaf máls þessa má rekja til þess að fyrir nokkrum árum stofnuðu hjónin Marías Þ. Guðmundsson og Málfríður Finnsdóttir Minnisvarðsjóð Jóns Sigurðssonar. Lögðu þau í sjóðinn eina milljón króna til þess að koma upp listaverki í minningu Jóns Sigurðssonar forseta á lóð Menntaskólans á Ísafirði. Sjóðinn afhentu þau skólanum til varðveislu og fólu Ólínu Þorvarðardóttur skólameistara forgöngu málsins ásamt Gunnlaugi Jónasyni, Jóni Páli Halldórssyni, Konráði Jakobssyni og Gunn-



On a rainy day (2000).

ari Jónssyni. Var þá hafist handa og sótt um styrki til ýmissa aðila. Listskreytinga-sjóður ríkisins svaraði kalli og veitti 1,5 mkr til verksins. Á síðasta ári samþykkti svo bæjarstjórn Ísafjarðarbæjar að gera ráð fyrir 1 mkr styrk á fjárhagsáætlun þessa árs.

Þeim sem vilja kynna sér verk Hreins frekar má m.a. benda á sérlega eiginlega lista-verkabók sem Listasafn Íslands og Mál og menning gáfu út árið 1993, í ritstjórn Beru Nordal og fleiri. Bókin heitir einfaldlega Hreinn Friðfinnsson.

– eirukur@bb.is

Átök í bæjarstjórn: Eðlileg vinnubrögð eða einræðistilburðir?

Eins og sagt hefur verið frá hafnaði meirihluti bæjarstjórnar því að taka á dagskrá tillögur Í-listans á fundi bæjarstjórnar síðastliðinn fimmtudag, en bæjarfulltrúar Í-listans höfðu knúð fundinn fram til að fá botn í ákveðin ágreiningsmál sem komið hafa upp í sumar. Þegar bæjarstjórn er í sumarfrí fer bæjarráð með vald bæjarstjórnar, og þegar rætt var við Sigurð Pétursson fyrr í mánuðinum sagði hann minnihlutann einungis hafa samþykkt þá tilhögun með hlöðsón af bæjarmálasamþykkt. Sigurður sagði að þar sem samþykkt bæjarstjórnar hafi verið gerð með hlöðsón af fyrrnefndri bæjarmálasamþykkt, en ekki síðarnefndri lagabreytingu, þá væri full ástæða til að kalla saman bæjarstjórn til að ræða ágreiningsmál sem standa fyrir dyrum, og nefndi hann sérstaklega sorphirðumálin og hvernig staðið var að útbodum og samningsgerð í þeim málum.

Sigurður sagði meirihlutann hafa nýtt sér lagabreytinguna til að keyra mál í gegn sem ekki er sátt um í bæjarráði. Guðni Geir, formaður bæjarráðs, hefur sagt að þetta sé röng túlkun hjá Sigurði, og að einungis hafi verið farið að lögum. Þá sagði hann ekki mikil ágreiningsmál í bæjarráði, en játti því þó að tekist hefði verið á um sorphirðumálin en sagði þau mál hafa hlotið eðlilega afgreiðslu. Aðspurður hvort ekki hefði verið eðlilegt að staðið hefði verið að málum í samræmi við bæjarmálasamþykktina en ekki lagabreytingar sem bæjarfulltrúum var ekki kunnugt um þegar fríð var samþykkt sagði Guðni svo ekki vera, þetta má hafi orðið að leiða til lykta.

Eins og má ímynda sér mótmæltu bæjarfulltrúar Í-listans þeim vinnubrögðum meirihlutans harðlega að neita að taka tillögurnar á dagskrá, og létu m.a. bóka eftirfarandi: „Með því að neita að taka á dagskrá þær tillögur og fyrirspurnir sem bæjarfulltrúar hafa lagt fyrir fundinn beittir meirihlutinn óheyrilegum yfiringang og þverbrýtur allar lýðræðislegar reglur og hefðir í starfi bæjarstjórnar, með því að hengja sig í vafasöm formsatriði og neita að veita afbrigði frá samþykktum þvert ofan í munnlegt samkomulag þar um. Bæjarfulltrúar Í-listans lýsa furðu og sorg yfir afstöðu almennra bæjarfulltrúa sjálfstæðis- og framsóknarflokks og lýsa yfir fullkominni andúð á framferði meirihlutans og einræðistilburðum hans við stjórn bæjarmála.“

„Teljum að bæjarráð hafi fullt vald til að leiða þessi mál til lykta“

Í grein sem Sigurður Pétursson, oddviti Í-listans, hefur skrifað á bb.is kemur fram að mánuðaginn fyrir fundinn hafi hann átt fund með bæjarstjóra og varaforseta bæjarstjórnar þar sem fram hafi komið að fundur bæjarstjórnar yrði talinn aukafundur og því yrðu fundargerðir bæjarráðs eða annarra nefnda þáris ekki lagðar fram. Þá óskaði Sigurður eftir að fá sólarhrings frest til að leggja fyrir tillögur til að ræða á fundinum, og voru tillögurnar að sögn Sigurðar lagðar fram daginn eftir. „Nú er ljóst, eftir bæjarstjórnarfundinn 17. ágúst, að ekki er hægt að treysta orðum þessara tveggja bæjarfulltrúa.

Er leitt til þess að vita að ekki skuli hægt að eiga samstarf við þessa trúnaðarmenn sveitarfélagsins án þess að búast við orðabrigðum og undirmálum. Íbúar Ísafjarðarbæjar eiga betra skilið“, segir m.a. í grein Sigurðar.

Þá kemur fram að bæjarfulltrúar Í-listans hafi ákveðið að krefjast nýs fundar í næstu viku til að ræða þau mál sem ekki fengust á dagskrá. „Við munum ekki láta yfiringang og einræðistilburði ríkjandi meirihluta koma í veg fyrir lýðræðislega umræðu og eðlilega málsmeðferð“.

Aðspurður um málið segir Ingi Þór Ágústsson, starfandi forseti bæjarstjórnar á fundinum að þetta hafi verið eðlileg vinnubrögð. „Við teljum einfaldlega að bæjarráð hafi fullt vald til þess að leiða öll þessi mál til lykta, samkvæmt samþykktum sem við samþykktum í júní“, segir Ingi Þór. Þegar rætt var við Guðna Geir Jóhannesson, formann bæjarráðs, fyrr í mánuðinum tjáði hann bb.is að upphaflega hefði verið ákveðið að fara í sumarfrí með hlöðsón af bæjarmálasamþykkt frá árinu 2001 sem kveður á um að fullnaðarákvörðun í ágreiningsmálum skuli engu að síður vera tekin af bæjarstjórn, en síðar hafi lögfræðingur félagsmálaráðuneytisins bent meirihlutunum á ný lög sem heimila bæjarráðum að leiða mál til lykta án samþykkis bæjarstjóra.

Ágreiningur um hvenær tillögurnar bárust

Halldór Halldórsson bæjarstjóri Ísafjarðarbæjar var ekki staddur á aukafundi bæjarstjórnar, en tók þó einhvern

þátt í undirbúningi fundarinnar, og var meðal annars á áður nefndum samráðsfundi með Inga Þór Ágústssyni, starfandi forseta bæjarstjórnar, og Sigurði Péturssyni, oddviti Í-listans, sem haldinn til að undirbúa bæjarstjórnarfundinn. „Við fengum enga dagskrá og boðuðum aukafundinn því bara eftir þeim lið þar sem verður að koma inn dagskrá með einhverjum fyrirvara, og svo kom hún víst ekki með neinum fyrirvara, að mér skilst“, segir Halldór. Aðspurður um hvort ekki væri rétt sem Sigurður Pétursson, oddviti Í-listans, hefur haldið fram að hann hefði fengið frest til að leggja fram tillögur fyrir fundinn, enda væri gert ráð fyrir styttri fresti við boðun aukafundar en reglulegs fundar, segir Halldór svo vera. „Við féllumst á það og Ingi Þór hringdi í hann eftir fundinn og sagði honum að koma með tillögurnar fyrir klukkan 15 daginn eftir, sem hann svo gerði ekki.“

Eins og áður segir fullyrti Sigurður það í grein sinni á bb.is að tillögurnar hefðu borist daginn áður. Aðspurður segir Ingi Þór Ágústsson hins vegar að þar hafi ekki verið lagðar fram fyrir en á miðvikudagsmorgni. Fundurinn var, eins og áður segir, haldinn kl. 17 á fimmtudag.

Aðspurður um þá fullyrðingu Inga Þórs Ágústssonar, starfandi forseta bæjarstjórnar, að tillögur Í-listans fyrir dagskrárlausa bæjarstjórnarfundinn hafi ekki borist fyrir en á miðvikudagsmorgun, eftir að frestur hafði verið gefið til kl. 15 á þriðjudag, segir Sigurður Pétursson, oddviti Í-listans, það vera lygi. „Það er einfaldlega ekki rétt hjá honum“, segir Sigurður. „Ég get sannað það með tölvu-

pósti að ég sendi tillögurnar inn kl. 14.30 á þriðjudag. Klukkan 13 ræddi ég við staðgengil bæjarritara og sagði honum að tillögurnar kæmu eftir um klukkutíma og það stóð. Þetta er kannski orð á móti orði, en ég stend við mín orð, þeir gengu á bak orða sinna og eru ómerkingar.“

„Mér finnst þetta algert hneyksli“

Halldór Halldórsson segist ekki hafa verið á meirihlutafundi fyrir dagskrárlausa bæjarstjórnarfundinn, og hafi því ekki enn kynnt sér tillögur Í-listans. „En það sem ég hef heyrt af þeim heyrir mér þetta vera meira og minna upp úr

meirihlutasamningnum. Það liggur alveg fyrir hvaða stefnu meirihlutinn er búinn að setja í þessum málum, og svo biðja þau um aukafund til þess að setja upp einhverja sýningu í kringum það. Maður hefði haldið að það kæmu þá einhver ný mál fram. Þetta er með ólíkindum. Þetta er örugglega yfir 100 þúsund króna fundur, bara í kostnaði fyrir bæinn. Mér finnst þetta algert hneyksli.“ Aðspurður um hvort fundurinn sé ódýrari sé honum slútað fyrir, segir Halldór svo ekki vera. Bæjarstjórnarfundir séu jafn dýrir hvort sem þeir eru fimm mínútur eða fimm klukkustundir.

– eirikur@bb.is



ÍSAFJARÐARBÆR

DAGFORELDRAR ÓSKAST

Ísafjarðarbær óskar eftir dagforeldrum á skrá. áhugasamir sækji um á Skóla- og fjölskylduskrifstofu. Um leyfisveitingar fer samkvæmt reglugerð um daggæslu barna í heimahúsum.

Umsóknir skulu berast til Sigurlínu Jónasdóttur leikskólafulltrúa, Skóla- og fjölskylduskrifstofu Ísafjarðarbæjar, Hafnarstræti 1, Ísafirði. Leikskólafulltrúi veitir nánari upplýsingar í síma 450 8000, netfang: leikskolafulltrui@isafjordur.is

Skóla- og fjölskylduskrifstofa Ísafjarðarbæjar

Vill fund í samgöngunefnd vegna niðurskurðar í vegamálum

Jón Bjarnason, þingmaður Vinstri-grænna í Norðvesturkjördæmi hefur skrifað formanni samgöngunefndar og óskað eftir fundi í nefndinni til að fjalla um nýútkomna skýrslu, sem unnin var af Félagi íslenskra bifreiðaeigenda, þar sem fjallað er um ástand vega á Íslandi og öryggismál í því sambandi. Vill hann að farið verði yfir stöðuna sem komin er upp vegna ákvörð-

unar ríkisstjórnarinnar um frestanir og niðurskurði í vegamálum, auk þess sem farið verði yfir öryggismál í tengslum við eldsneytisflutninga á þjóðvegum og afleiðingar gríðarlega þungaflutninga eftir þjóðvegum landsins. Þá vill Jón að nefndin skoði þann möguleika að koma á skipulögðum sjóflutningum meðfram ströndum landsins, og bendir á þingsályktunartil-

lögu sem hann er flutningsmaður að, sem hann segir hafa fengið góðar undirtektir alls staðar nema hjá framkvæmdavaldinu.

Mikillar óánægju hefur gætt víða í samfélaginu með ætlaðan niðurskurð og frestanir í vegamálum, og ekki síst á Vestfjörðum þar sem vegir hafa löngum þótt fyrir neðan allar hellur fyrir samfélag sem telur sig temmilega síðað, og

er eitt þeirra ríkarí í heiminum. Er það mál manna að langt sé síðan vegabótum á Vestfjörðum hafi verið frestað of mikið, og það sé verið að bera í bakkafullan lækinn að ætla Vestfirðingum að taka á sig niðurskurð vegna þenslu sem hafi orðið til annars staðar á landinu, á þeim svæðum þar sem offjölfestinga hefur orðið vart, svo sem á Austfjörðum og á höfuðborgarsvæðinu.



Frá vegafframkvæmdum á Vestfjörðum.



Aðalstræti 37.

Hamraborg kaup- ir Aðalstræti 37

Hamraborg ehf. hefur fest kaup á húsinu við Aðalstræti 37, en þar hefur m.a. myndbandaleigan JR Vídeó verið til húsa síðustu mánuðina. Hamraborg keypti þann hluta sem myndbandaleigan er í af Jóhannesi Ragnarsyni, tédum JR. Hinn hluta hússins keypti Hamraborg af Úlfi Þór Úlfarssyni, sem er einmitt einn eigenda Hamraborgar. Ekki mun enn afráðið hvað gert verður í húsinu, en sem stendur ku eigendur hússins vera að meta þá kosti sem í stöðunni eru. Enn er opið í JR Vídeó og verið er að selja gamlar spólur bæði frá JR og frá Hamraborg.

JR festi kaup á þrotabúi myndbandaleigunnar og

verslunarinnar Frummyndar í september í fyrra, en hún hafði verið úrskurðað gjaldþrota fyrir í mánuðinum. Myndbandaleigan var þá nýlega flutt úr húsnæði sínu í Neista yfir götuna í Hafnarstræti 14. JR flutti svo vídeóleiguna á fornar slóðir nokkrum dögum fyrir jól, að Aðalstræti 37 en þar hafði JR Vídeó verið til húsa á seinni hluta 20. aldar. Jóhannes rak JR-Vídeó í rétt um 13 ár en sú myndbandaleiga hætti rekstri haustið 1997 eða fyrir rétt tæpum níu árum síðan. Þá afgreiddi Jóhannes auk þess í þrjú ár í Vídeó-Úrvali sem var myndbandaleiga í eigu bróður Jóhannesar, Péturs Ragnarssonar. – eirikur@bb.is



Vilja gjaldfrjálsan leik- skóla fyrir 4 og 5 ára börn

Undir lok síðustu viku haldinn aukafundur í bæjarstjórn þar sem bæjarfulltrúar Í-listans ætluðu að leggja fram tillögu um að gjaldfrjálst verði í leikskóla fyrir fimm ára börn frá og með 1. janúar 2007 og fjögurra ára börn frá árinu 2008. Þá átti einnig að leggja fram tillögu um að niðurgreiðslur til foreldra sem vista börn sín hjá dagforeldrum verði hækkuð úr 13.130 kr. í 26.155 kr. á mánuði, frá og með 1. september. Í greinargerð sem fylgir tillögunum segir meðal annars: „Lækkun leikskólagjalda var á stefnuskrá allra framboðanna fyrir sveitarstjórnakosningar nú í

vor. Með leyfi forseta ætla ég að vitna í stefnuskrá Sjálfstæðisflokksins, en þar segir orðrétt: „Leikskólavist verði gjaldfrjálst fyrir fimm ára börn og leikskólagjöld lækkuð“ og orðrétt upp úr stefnuskrá Framsóknarflokksins: „Framsóknarflokkurinn leggur því áherslu á að: Leitað verði leiða til að lækka leikskólagjöld; Dagvistun hjá dagmæðrum verði niðurgreidd til jafns við leikskóla.

Með því að samþykkja þessa tillögu er þetta kjörið tækifæri fyrir bæjarfulltrúa að sýna bæjarbúum að kosningaskrá allra framboðanna fyrir sveitarstjórnakosningar nú í

Í greinargerð vegna niðurgreiðslna til foreldra sem vista börn sín hjá dagforeldrum er kostnaður borinn saman á milli sveitarfélaga: „Niðurgreiðslur til foreldra sem vista börn hjá dagforeldrum í Ísafjarðarbæ eru langt fyrir neðan niðurgreiðslur hjá öðrum sveitarfélögum. T.d. hjá Hafnarfjarðarbæ er niðurgreiðslan 29.640 kr. á mánuði, hjá Akureyrarbæ 28.000 kr., Reykjavíkurborg 21.000 kr. Vert er minnst á að leikskólagjöld í þessum sveitarfélögum er líka töluvert lægri en í sveitarfélögin okkar. Foreldrar sem eiga tvö börn með búsetu í Ísafjarðarbæ, annað barnið á

leikskóla og hitt hjá dagforeldri er að borga 74.715 kr. á mánuði fyrir átta tíma vistun að teknu tilliti til niðurgreiðslunnar. Þessi sama fjölskylda myndi greiða 49.670 kr. byggi hún í Hafnarfirði. Þessi gjaldtaka Ísafjarðarbæjar er ekki til þess fallin að hvetja barnafólk til að setjast að í bæjarfélaginu eða sem hvatning til fyrir fólk með ung börn að fara út á vinnumarkaðinn.“

– eirikur@bb.is

Uppfært kort yfir mörk sveitarfélaga

Miklar breytingar hafa átt sér stað á mörkum sveitarfélaga á Íslandi síðustu árin og áratuginu, og hefur félagsmálaráðuneytið því uppfært kort sem sýnir þessi mörk. Á Vestfjörðum er nú 10 sveitarfélög, en nýjasta sameiningin átti sér stað í vor þegar Hólmavíkurbæjar og Broddaneshreppur sameinuðust í Strandabyggð.

Þessi sveitarfélög eru eins og kunnugt er Bolungarvíkurkaupstaður, Ísafjarðarbær, Reykhólahreppur, Tálknafjarðarhreppur, Vesturbbyggð, Súðavíkurbæjarhreppur, Árneshreppur, Kaldraneshreppur, Bæjarhreppur, Strandabyggð. Íslandskortið í heild sinni má finna á heimasíðu félagsmálaráðuneytisins.

– eirikur@bb.is

Alþjóðleg ráðstefna um atferlisstjórnun fiska

Tvær ráðstefnur verða haldnar við Háskólaset Vestfjarða í lok mánaðar. Sú fyrri fjallar um þorskelði í Ísafjarðardjúpi og verður haldin á vegum Háskólaseturs Vestfjarða, Hafrannsóknastofnunar, Rannsóknastofnunar fiskiðnaðarinnar og Hraðfrystihúsins-Gunnvarar hf þann 30. ágúst. Dagana 31. ágúst - 1. september

halda Hafrannsóknastofnunin og Háskólaset Vestfjarða með stuðningi Sjávarútvegsráðuneytisins alþjóðlega ráðstefnu um atferlisstjórnun fiska. Ráðstefnan er haldin í tengslum við, og í beinu framhaldi af ráðstefnunni „Þorskelði í Ísafjarðardjúpi“.

„Hafrannsóknastofnunin hefur stórfleitt rannsóknir í

veiðitækni og er þessi ráðstefna einn liður í því starfi. Tilgangur þessarar ráðstefnu er að beina sjómun að atferli fiska og þekkingu manna þar á. Til ráðstefnunar hefur verið boðið erlendum sérfræðingum á sviði lífedeilisfræði og atferli fiska. Í tengslum við ráðstefnuna hefur verið skipulagður vinnufundur, þar sem

lögð verður áhersla á að greina fyrirbyggjandi þekkingu á atferli fiska sem mætti nýta til framþróunar í veiðitækni og fiskeldi.

Markmiðið er að í lok þeirrar vinnu verði til eins konar leiðarvísir um framtíðarrannsóknaverkefni á þessu sviði“.

– thelma@bb.is

■ RITSTJÓRNARGREIN

Allir skulu jafnir fyrir lögum

Í gegnum árin hefur BB margsinnis vakið athygli á misréttinu sem þegar þjóðfélagsins mega sæta hvað varðar skattheimtu. Í september 2004 var vakin athygli á grein eftir Svein Jónsson, löggiltan endurskoðanda, sem birtist í Morgunblaðinu síðla árs 2001. Þar vitnaði hann til 26 ára gamallar greinar Ólafs heitis Björnssonar, prófessors og þingmanns: „Tekjuskattur – sérskattur á launþega“, en þar sagði: Tekjuskattur, hvort heldur er til ríkis eða bæjar- og sveitarfélaga verða í framkvæmd sérskattar á tekjur þeirra er vinna í þjónustu annarra, þar eð aðrir geta nokkurn veginn ákveðið sjálfir skattlagningu sína.“ Sjálfur sagði Sveinn sagði meðal annars: „Að sjálfsögðu er vegið að rötum réttarríkisins ef stórir hópar í þjóðfélaginu geta ákveðið með hliðsjón af sínum fjárhagslegu hagsmunum að hlíta sumum lögum en öðrum ekki.“

Það er sorgleg staðreynd að á þeim liðlega þremur áratugum sem liðnir eru frá því Ólafur ritaði grein sína skuli helsta breytingin á skattakerfinu vera sú að staðgreiða misréttið.

Við upptöku fjármagnstekjuskatts var bent á að miklar líkur væru á að framteljendum launatekna myndi fækka til muna. Það hefur gengið eftir. Í dag hafa yfir 6.600 framteljendum hærri fjármagnstekjur en aðrar tekjur og nær 2.200 framteljendum einungis fjármagnstekjur, sem segir einfaldlega að þessum aðilum er fært í hendur sjálfðæmi til að ákveða framlag sitt

til samfélagsins: „Þetta samrýmist illa því jafnræði og jafnrétti sem á að vera í skattalögum“, segir ríkisskattstjóri og bendir á að mörkin milli vinnutekna og eignatekna verði óljós þegar einstaklingar séu í raun í fullu starfi við kaup og sölu á hlutabréfum.

Innlegg stjórnmalamanna í umræðuna gefur von um að þeir sjái ljósið, augu þeirra séu að opnast. Háværar kröfur eru nú uppi um að sami skattur verði lagður á allar tekjur; enda sjálfsagt réttlætismál. Hver skattþrosentan á að vera er löggjafans að ákveða.

Fjármálaráðherra segir skattlagningu fjármagnstekna viðkvæma og að við verðum að gæta þess að slátra ekki gullgæsinni. Hvað sem þessari viðkvæmni gagnvart greiddendum fjármagnstekjuskatts líður verður að segjast eins og er að fram til þessa hefur hennar ekki gætt vörðandi aðra skattheimtu. Ekki verður séð að borið hafi mikið á viðkvæmninni við tvísköttun á greiðslum lífeyrissjóða til eftirlaunaþega, né þegar 462 kr. voru teknar í skatt af 1.258 krónu hækkun á grunnlífeyri ellilífeyrisþega! Hvað veldur þessari mismunum?

Eftir því verður tekið á haustdögum hvað þingheimur hyggst fyrir. Ætlar hann áfram að hrökkva – eða hefur hann loks öðlast kjark til að stökkva svo hætt verði að vega að rötum réttarríkisins?

s.h.

Verkið Par frumflutt við góðar undirtektir

Kammersveitin Ísafold hélt tónleika á Ísafirði, í Hömrum á fimmtudagskvöld í síðustu viku. Þar var meðal annars frumflutt verkið Par eftir ísfrsk-ættaða tónskáldið Hauk Tómasson. Tónleikarnir voru þeir fyrstu í árlegri sumartónleikaferð sveitarinnar, sem fer nú fram fjórða árið í röð. Efnisskráin var ekki af léttasta taginu, en vestfirskir tónlistarunnendur hafa hingað til verið þekktir fyrir að vera opnir fyrir nýrri og óvenjulegri tónlist af ýmsum toga og ætlaði lófaklappinu aldrei að linna að loknum tónleikum. Hápunktur efnis-

skrárinnar var flutningur á nýju verki Hauks Tómassonar sem var viðstaddur í salnum. Önnur verk á efnisskránni voru eftir höfuðtónskáld 20. aldarinnar svo sem Webern, Schönberg og Takemitsu. Hljómsveitin er skipuð 19 af fremstu hljóðfæraleikurum okkar Íslendinga en stjórnandi er Daniel Bjarnason. Haukur Tómasson er bróðir Jónasar Tómassonar tónskálds sem búsettur er á Ísafirði og kennir við Tónlistarskóla Ísafjarðar. Af þeirra var Jónas Tómasson, bóksali, organisti og tónskáld, sem var helsti brautryðjandi og frumkvöðull ísfrisks tón-

listarlífs. Kammersveitin Ísafold hefur vakið mikla athygli og hlotið einróma lof gagnrýnenda fyrir heillandi túlkun og vandaðan flutning á sígilda- og samtímatónlist. Sveitin hefur dvalið á Ísafirði í viku við æfingar og undirbúning fyrir tónleikaferðina. Hún vinnur nú að sinni fyrstu plötu í samstarfi við 12 tóna. Meðlimir Ísafoldar eru allir reyndir tónlistarmenn þrátt fyrir ungan aldur og hafa hlotið fjölda viðurkenninga hérlendis sem erlendis. Margir þeirra spila reglulega með ólíkum öndvegistónlistarhópum landsins. – *thelma@bb.is*



Kammersveitin Ísafold hélt tónleika í Hömrum í síðustu viku. Myndir: Birgir Þór Halldórsson.

Félagsmiðstöð Ísafjarðarbæjar enn húsnæðislaus

Enn hefur ekki fengið húsnæði fyrir Félagsmiðstöð Ísafjarðarbæjar á Ísafirði en skólastarfið hefst í þesari viku. „Við erum enn að leita og erum að skoða nokkur húsnæði. Við erum núna að leita að bráðabirgðaaðstöðu eins og er, til eins til tveggja ára, en vonum einnig að við fáum brátt lendingu í málinu hvað

varðar varanlegt húsnæði félagsmiðstöðvarinnar“, segir Erik Newman, umsjónarmaður félagsmiðstöðvarinnar. Eins og kunnugt er þurfti félagsmiðstöðin að leita að nýju þaki yfir höfuðið eftir að mótuneyti var tekið í notkun í Grunnskólanum á Ísafirði og fékk þá til aflögu húsnæðu Sjálfstæðisflokksins. Hins vegar rann leigusamningurinn

út í maí þegar kosningastofa flokksins var opnuð í húsinu. Síðan var húsnæðið selt vélsmiðjunni Þrist. „Ef einhver veit hefur einhverja hugmynd um hvar við gætum komið okkur fyrir á komandi skólaári þá bið ég hann endilega að hafa samband því að við erum alveg lens“, segir Erik. – *thelma@bb.is*

Quiznos-keðjan hefur áhuga á að opna útibú á Ísafirði

Hjörtur Aðalsteinsson, annar eigenda skynbítakeðjunnar Quiznos, hefur hug á því að opna útibú frá keðjunni á Ísafirði. Fyrir rekur Quiznos tvo staði í Reykjavík og eru að opna þann þriðja í Kópavogi. Mikil framrás er greinilega í gangi hjá fyrirtækinu, því ekki stendur eingöngu til að opna útibú á Ísafirði heldur einnig í Reykjanesbæ, á Akureyri, Egilsstöðum, Selfossi og Vestmannaeyjum. Þetta kemur fram á vf.is. Nú leitar fyr-

irtækið að rekstraraðilum í áður nefndum bæjum. Að sögn Hjartar hefur fyrirtækið ekki í huga neinar ákveðnar staðsetningar fyrir staðinn á Ísafirði, en segir að þau séu tilbúin til að eiga hlut á móti heimamönnum í staðnum. „Við erum tilbúin til að eiga 50% í staðnum á móti heimamönnum, sem hefðu kauprétt að rest síðar“, segir Hjörtur. Hjörtur á Quiznos á Íslandi ásamt konu sinni Auði Jacoburson, en keðjan hóf göngu sína

árið 1981 í Bandaríkjunum og var stofnað af „Chef Jimmy“. Í dag eru yfir 4.500 Quiznos staðir í heiminum. Quiznos er ekki eina keðjan sem hefur augastað á Ísafirði þessa dagana því eins og sagt hefur verið frá hefur skynbítakeðjan Subway verið að falast eftir húsnæði á Ísafirði til þess að reka sinn samlokubar. Quiznos og Subway eru líkar keðjur að því leytnu til að báðar sérhæfa sig í svokölluðum bátasamlökum.

Í-listinn krefst útboða í sorpmálum

Sorphirðumál í Ísafjarðarbæ hafa mikið verið til umræðu upp á síðkastið, enda

fást bæjaryfirvöld við endurskipulagningu þeirra þessa dagana. Upp kom ágreiningur

um málið í bæjarráði á dögunum sem endaði með því að bæjarfulltrúar Í-listans kröfð-

ust aukafundar í bæjarstjórn til að gera út um málið. Tillögur bæjarfulltrúa Í-listans eru fjórar, og felast allar í því að bæjarstjórn feli bæjarstjóra að undirbúa útboð. Í fyrsta lagi á sorphirðunni, í öðru lagi á gámahirðingu og gámahreinsun, í þriðja lagi á urðun á óbrennanlegu sorpi og í fjórða lagi að bæjarstjóra verði falið að láta tæknideild bæjarins vinna að undirbúningi útboðs á þremur gámasvæðum við Suðureyri, Flateyri og Þingeyri.

Í meðfylgjandi greinargerð segir svo orðrétt: „Samningar um sorphirðu og gámahreinsun í Ísafjarðarbæ við fyrirtækið Gámaþjónusta Vestfjarða hf. runnu út í maí árið 2005. Hafa þeir síðan verið framlengdir án þess að nýtt útboð hafi farið fram. Á fundi bæjarráðs 3. júlí síðastliðinn var samþykkt með tveim atkvæðum gegn einu að ganga til samninga við áður nefnt fyrirtæki til eins árs um sorphirðu, gámahreinsun og urðun á óbrennanlegu sorpi fyrir kr. 28.377.209. Með bréfi dag-

settu 12. júlí hafnaði Gámaþjónusta Vestfjarða að taka að sér urðun á óbrennanlegu sorpi, en bauðst til að sinna áfram sorphreinsun og gámahreinsun eins og áður, en með 10% hækkun á gjaldi fyrir þá þjónustu. Í samningnum fyrir tækisins frá árinu 2000 var gerð ráð fyrir að gjaldið hækkaði í samræmi við byggingarvisitölu. Hér er því um hreina umframhækkun að ræða. Var þessu mótmælt á fundi bæjarráðs 17. júlí síðastliðinn, en meirihluti bæjarráðs samþykkti að senja við fyrirtækið á þessum forsendum.

Fulltrúar Í-listans í bæjarstjórn Ísafjarðarbæjar telja að hér sé um grundvallarmál að ræða sem varðar samskipti bæjarfélagsins og fyrirtækja í þjónustu hans. Mikilvæg þjónusta sem varðar alla bæjarbúa hefur verið falið einka fyrirtæki að loknu útboði. Fyrirtækið hefur sinnt sínu hlutverki með sóma. Það breytir ekki því að við endurnýjun samninga þarf að fara fram nýtt útboð, þar sem önnur fyrirtæki eiga jafna mögu-

leika til að bjóða í þetta verkefni á vegum sveitarfélagsins. Þarna verður jafnræðisregla að gilda. Þess vegna leggjum við til að öll sorphirða og urðun verði boðin út nú þegar. Ef tæknideild bæjarins getur ekki sinnt þessu verkefni á næstu vikum, verða bæjaryfirvöld að fela verkfræði- eða tæknipjónustu að vinna verkefnið. Slíkt má ekki teifa verk úr hömlu, eða koma í veg fyrir að nýtt útboð fari fram, mánuðum og misserum saman. Fyrir síðustu sveitarstjórnarkosningar fór fram mikil umræða um frágang og umhirðu við gámasvæði, sérstaklega við Suðureyri og Flateyri. Mikilvægt er að gert verði ráð fyrir framkvæmdum í þessu máli í fjárhagsáætlun næsta árs. Því er lagt til að nú þegar verði látið fara fram vinna við útboð á gámasvæðum við þéttbýlin þrjú í Vestur-Ísafjarðarsýslu, svo þau verði bænum til sóma og íbúum til hægðarauka við flokkun og förgun sorps.“

Einar Þór leitar leikara í London fyrir Heiðina

Einar Þór Gunnlaugsson, kvikmyndaleikstjóri frá Hvílfli í Öndarfirði, vinnur þessa dagana að leikaraprefum fyrir nýja mynd sína sem ber nafnið Heiðin. Að því er fram kemur á mbl.is hefur Einar lokið við allar leikaraprefur á Íslandi og heldur nú til London þar sem síðustu prufur verða haldnar. Ekki er þó verið að leita að breskum leikara heldur íslenskum, enda margir íslenskir leikarar búsettir í borginni. Verið er að leita að karlleikara á þrítugsaldri, leikkonu á fertugsaldri og ungri stúlku „sem getur sungið eins og engill“, líkt og Einar segir



Einar Þór Gunnlaugsson. við mbl.is. Einar leikstýrir myndinni sjálfur, auk þess sem hann skrifaði handritið og er einn af framleiðendum myndarinnar. Heiðin er dramatísk mynd með léttu ívafi, hún gerist í

fámennri sveit á kjördegi og fjallar um mann sem á að fara með kjörkassan út á flugvöll en missir af flugvélinni. Myndin verður aðallega tekin upp hér vestra, en búist er við því að einhverjar innitökur fari fram í Reykjavík.

Meðal leikara í myndinni verða Jóhann Sigurðarson, Guðrún Gísladóttir, Ólafur Þorvaldsson, Ísgerður Elfa Gunnarsdóttir, Birna Hafstein og Jón Sigurbjörnsson. Þeim sem vilja komast í prufurnar í London er bent á að hafa samband við framleiðslufyrirtækið Passport Pictures.

– *eirikur@bb.is*

– *eirikur@bb.is*

Ísafjörður hefur verið góður kafli í mínu lífi

Það hefur færst í vöxt að menn sækji sér framhaldsmenntun komnir á miðjan aldur og fyrir ári síðan hélt séra Magnús Erlingsson sóknarprestur á Ísafirði suður til náms.

Ekki til að stúdera nýjasta nýtt í guðfræðinni heldur til að rýna í ævaforrit frá upphafi kristni. Bláðamanni lék forvitni á að vita hvað það var sem hann var að læra og fékk hann í spjall um námið, Ísafjörð, prestsstörfun og margt fleira. Það lá beinast við að spyrja hann fyrst hversu lengi hann hefur verið hér og hvað olli því að hann dreif sig í nám

„Ég er búinn að vera hérna í fimmtán ár, kom haustið 1991. Eftir að hafa unnið á Biskupsstofu í fimm ár þá fannst mér tími til kominn að fara í prestskapinn. Var hikandi í fyrstu, fannst þetta mikið ábyrgðarstarf, sem það og er. Ástæða þess að ég sótti um hér var einfaldlega sú að það var laust hérna og okkur hjónunum leist vel á staðinn. Þá var engin kirkja en fljótlega eftir að ég kem er haldinn aðalsafnaðarfundur og ákveðið að það skuli byggð ný kirkja á gamla staðnum. Þá hefist þetta ferli, kirkjan er byggð og ég vildi náttúrulega vera áfram í nýbyggðri kirkju og við höfum smám saman innréttað hana, keypt orgel og flygil og þetta tókst með aðstoð fólksins hér á Ísafirði. Það voru fjársafnanir fyrir öllum hlutum og þannig hefur nú tekist að innrétta allt húsið og eina verkefnið sem er eftir er altaraflann, en það mál er í vinnslu og við förum vonandi af stað með það núna í vetur. Eftir fjórtán ára starf fannst mér kominn tími á að taka mér frí. Var búinn að vinna mér inn rétt til að taka níu mánaða námsleyfi og ég ákvað bara að gera það, sótti um og bætti sumarfríinu við og var síðastliðinn vetur suður í Reykjavík. Ég fór í masters-nám í guðfræði við Háskóla Íslands og konan fór líka í nám. Fyrst íhuguðum við að fara til útlanda en völdum Reykjavík til að geta verið nálægt ættingjum, og líka kannski til að leyfa börnunum að leika við ömmuna og afana. Það var ágætt, að mörgu leyti einfaldara að fara svona suður en alla leið til útlanda, og ódýrara. Ég var þeirrar ánægju að njótandi að lesa undir handleiðslu prófessors Jóns Ma. Ásgeirssonar. Ég las að mestu rit sem voru skrifað á fyrstu

og annarri öld eftir Krist sem ekki lentu inni í Nýja testamentinu.

Það var þannig að þegar menn tóku saman Nýja testamentið var mikið af ritum í umferð og þessar stóru kirkjur, kirkjan í Róm og Konstantínópel réðu mestu um hvaða rit færu í Nýja testamentið og menn reyndu að velja bestu ritin og svo voru önnur rit sem ekki þóttu nógu góð. Þóttu ekki eins ábyggileg eða voru mun yngri en guðspjöllin eða að menn voru ekki nógu sáttir við áherslurnar í þeim og einfaldlega af því þeir þekktu þau ekki og þá lentu mörg rit utangarðs. Á þriðju og fjórðu öld reyndu menn að samræma kenningar kirkjunnar, þá var Konstantínus búinn að lögleiða kristni og menn vildu hafa meiri skikk á þessu og ýttu til hliðar ritum sem ekki voru samþykkt. Árið 320 ritir Apanasíus biskup bréf þar sem hann hvetur söfnuði til að losa sig við rit sem ekki innihalda heilnæmar kenningar, og þá hverfur mikið af ritum úr umferð. Eitthvað verður þó eftir í klaustrum og þess háttar og svo hafa mörg fundist í fornleifauppgöftrum. Mikill fundur varð árið 1945 í Nag Hammadí í Egyptalandi, þar sem fannst leirker með mörgum handritum frá fyrstu, annarri og þriðju öld. Handritin voru ekki bara trúarleg heldur líka veraldleg rit, heimspikitextar frá Platóni meðal annars og mjög fróðlegt að lesa þau til að fá viteskju um þennan tíma. Handritið sem ég var að skoða heitir Maríu-guðspjall og fannst á 19. öld en skömmu fyrir aldamótin en alla leið til útlanda, og ódýrara. Ég var þeirrar ánægju að njótandi að lesa undir handleiðslu prófessors Jóns Ma. Ásgeirssonar. Ég las að mestu rit sem voru skrifað á fyrstu



handrit hafa fundist hafa menn farið að rannsaka þetta. Tómkarar eru sagnspjall, sem nú hefur verið gefið út á íslensku, er til dæmis í þessum flokki rita sem ekki fór inn í Nýja testamentið. Fræðimenn halda að það sé engu að síður mjög gamalt og skrifað á 1. öld, eða um svipað leyti og hin guðspjöllin. Það geymir orð Jesú og menn telja að svona ræðu-söfn geti verið mjög gömul, því að menn hafi fyrst byrjað á því að skrifa niður orð Jesú og varðveitt þau.”

Staða kvenna betri í árdaga kristni

– Er kirkjan að taka þessi guðspjöll inn í kenningar sínar?

„Já, sumt en annað ekki. Þetta rit sem ég skoða kallast Maríu-guðspjall en er í raun samtalið, fyrst er Jesús upprisinn að tala við lærisveinana og svo er samtalið lærisveinanna við Maríu Magdalenu. Ástæða þess að ég skoða það er að þarna birtist að vissu leyti ný að eignast þetta rit og prófessor Schmidt búinn að skoða það og skrifa um það. Sá handritafundur vakti ekki mikla athygli en eftir því sem fleiri

feðraveldið er áberandi og segir að konur eigi bara að vera heimavið. Ef skoðað er það sem Nýja testamentið segir um Maríu Magdalenu þá er sagt að hún hafi verið læknuð af Jesú, illir andar farið úr henni, hún er sögð fylgja Jesú og styrkja Jesú með peningagjöfum sem bendir nú kannski til þess að hún sé ekkja með eigin fjárhag. Og hún er sú sem kemur fyrst að gröfnni og mætir Jesú upprisnum. Hún er í raun frumvotturinn, fer og segir postulum að Jesús sé upprisinn og er því postuli postulana. Síðan gerist það seinna meir, þegar aldirnar líða fara menn að ýta Maríu Magdalenu til hliðar og láta sér jafnvel detta í hug að hún hafi verið gleðikona því hún er ekki sögð kona neins manns, virðist bara vera eins og nútímakona á eigin vegum. Það er ýmislegt sem bendir til að innan frumkirkjunnar hafi staða kvenna verið sémileg líkt og í hinum gríska og rómverska heimi við upphaf tímatala okkar. Jesús virðist líta á konur sem jafningja karla og er ekki með nein ummæli um að þær séu síðri en karlar, eins og var mjög algengt á öldunum fyrir og eftir Krists burð. Það er bæði hægt

að finna gyðinglegar og grískar bænir þar sem höfundar þakka fyrir að vera hvorki þrælur, útlendingar né konur, sem sýnir kannski hugsanaganginn í þeim samfélögum!

Þess vegna er svo athyglisvert að Jesús skuli gera konur að lærisveinum sínum, þær fylgja honum og eru fyrstu vottar að upprisu hans. Maríu-guðspjallið fjallar um þetta samtalið og það er áhugavert að það er töluverð spennu, rífrildi milli Símons Péturs og Maríu Magdalenu. Símon Pétur segist ekki trúa því að Jesús færi að segja henni eitthvað sem hann ekki sagði þeim. Þetta guðspjall er skrifað á annarri öld og það eru til koptísk og grísk handrit sem reyndar eru í brotum. Að öllum líkindum hefur höfundur viljað benda á að innan frumkirkjunnar hafi konur haft miklu sterkari stöðu en þær höfðu þarna á annarri öld. Þetta sést líka í Postulasöggunni, þar er talað um Prísku og Akvílas. Príska er konan og alltaf nefnd fyrst og stundum er hún bara nefnd eins og hún sé leiðandi aðili í þessu trúboðspari. Við sjáum líka hjá kirkjuföðrunum, t.d. Tertullíanusi að hann er að amast við því að innan sumra kristinna hópa séu konur að

gegna preststörfum, séu að skíra og hafi um hönd altaris-sakramenti og hann er á móti því karlinn. Ég er semsagt að rannsaka stöðu kvenna innan fornkirkjunnar.“

– Staða kvenna hefur þá verið mun betri hér áður fyrr?

„Boðskapur Jesú er mjög róttækur þegar hann segir, eins og kemur fram í bréfum Páls, að hér sé enginn gyðingur né grískur, karl né kona, heldur séum við öll eitt í Kristi. Hann sér engan mun á gyðingnum og útlendingnum og þetta var auðvitað mjög merkilegt og átti þátt í því að kristin kirkja óx svona hratt, því hún var ekki lokaður klúbbur, hvorki fyrir þræla né konur eins og mörg trúfélög á þessum tíma sem voru kannski bara fyrir karla eða hermenn eða eitthvað slíkt. En þetta var trúfélag opið öllum og litíð á alla sömu augum. Þó svo að þetta sést líka í boðskapnum, fyrst við erum öll jöfn fyrir Guði hljótum við að vera öll jöfn hér á jörðinni. Það sýndi sig líka þegar tímar liðu að margar kvennahreyfingar, m.a. íslenskar, höfðu áhuga á kristinni trú og lásu Biblíuna og báðu saman og höfðu síðan

á huga á mannúðarmálum og mannréttindum.

Á annari öld fara viðhorf umhverfisins og ráðandi menningar að hafa áhrif og komum er ýtt til hliðar í kirkjunni. Í upphafi voru þetta hússöfnuðir sem stækka og breytast í skipulagðar stofnanir. Embætti biskupa og djákna eru fyrstu embættin og þá virðist sem komum sé ýtt markvisst til hliðar og menn gera eins og þekkt var í þeirra menningu að fyrst og fremst skuli karlamir stjórna. Þessi þróun verður áberandi á annari og þriðju öld. Það er mjög merkilegt að konur hafi verið prestar strax í fornöld innan kirkjunnar því að á miðöldum og alveg fram á okkar tíma hafa konur ekki verið prestar og innan kaþólsku kirkjunnar fá þær ekki enn að gegna prestsstörfum. Kaþólska kirkjan byggir á hefðinni. Fólk þekkir áherslur hennar á að María hafi verið mey, en ef maður les guðspjöllin þá kemur það nú hvergi fram að hún hafi alltaf verið mey. Þar er talað um Jesús og bræður hans og systur. Svo að þessi meyjarhugmynd er líklega komin til seinna og byggir á hefðinni líkt og áhersla kaþólsku kirkjunnar á einflí og meinlætaliíf.“

Frjálsglegar túlkunar Dan Brown

– Hvernig var að setjast á skólabeck aftur?

„Það var mjög gott fannst mér, góð tilbreyting. Námið byggðist aðallega á heimalestri, ég sótti fyrirlestur tvísvar í viku með fleiri nemendum og hittu svo professorinn á föstudögum og skilaði þá út-drætti úr bókinni sem maður var að lesa þá vikuna. Ég las eina bók á viku nema ef þær voru mjög þykkar. Ég var mög ánægður með námið. Þó svo að þetta séu gamlir textar og hljómi kannski ekkert spennandi þá passa þeir engu að síður mjög við þá umræðu sem er í þjóðfélaginu í dag. Staða kvenna hefur verið áberandi mál undanfarnin ár. Svo kemur þessi umræða í kjölfar Da Vinci lykilsins eftir Dan Brown. Í bókinni, sem er mikill reyfari, er það undirbyggjandi fléttu að Jesús og María Magdalena hafi verið hjón eða kærustupar. Í bókinni gengur hann reyndar svo langt að fullyrða að þetta byggji á nákvæmum rannsóknum. Svo er nú ekki, hann styðst við bækur þar sem túlkunin er helst til frjálsgleg. Reyndar er hægt að finna í Filipusarguðspjalli, sem er annað apókryft rit, setningar um að María Magdalena hafi verið félagi Jesús. Maður getur velt fyrir sér hvort þetta merki að hún hafi verið eiginkona hans en þegar guðspjallið er skoðað í heild þá kemur það í ljós að þegar rætt er um eiginkonur þá eru notuð önnur heiti, þannig að það er frekar ólíklegt að félagi merki eiginkona. Í guðspjallinu er greint frá því að Jesús hafi kysst hana oft og þá segja sumir að þarna sé sönnunin

kominn. En þegar fleiri handrit eru skoðuð þá sér maður að kossar voru algengir milli lærisveinanna. Í einu riti er greint frá því að Jesús hafi kysst Jóhannes skírara og Júdas kyssti Jesús. Heilsíð hver öðrum með kossi, skrifar Páll postuli. Við þekkjum þetta úr okkar menningu, að heilsast að íslenskum sveitasið merkir að faðmast og kyssast og það er akkúrat ekkert sexúalt við það. Það virðist vera árátta hjá nútímamanninum að lesa samtíma sinn inn í gamlar viðmiðunum en það gefur kannski ekki alltaf raunsanna mynd af textanum.

Það sem er athyglisvert við Maríu Magdalenu er að hún er að mörgu leyti nútímakona. Hún er á eigin vegum, er lærisveinn Jesús, upplifir upprisuna og hefur án efa haft mikil áhrif í upphafi. Það er verið að gera lítið úr henni með því að festa hana við einhvern karl. Að konur hljóti tilheyra einhverjum karli er gamaldags hugsun. Auðvitað á hver manneskja sig sjálf.“

– Ertu að skrifa masters ritgerðina?

„Ég er að því með öðru. Þetta er sett upp sem tveggja ára nám, ég er búinn með fyrri árið og svo ætla ég að sinna seinni hlutanum í hjáverkum með vinnu, bæði ritgerðarskrifum og bókalestri. Þetta er mikil vinna en skemmtileg. Ég held að bókalestur geri manni gott, sérstaklega í mínu starfi af því að ég þarf alltaf öðru hvoru að skrifa ræður og hugurinn verður fjórri við lestur. Nám er mjög skemmtilegt og það er nauðsynlegt að víða alltaf að sér þekkingu til að staðna ekki. Heimurinn er sífellt að breytast.“

Fyrirgefning grundvöllur friðar

– Hvað geta tvö þúsund ára gömul rit sagt okkur í dag?

„Við getum lært mikið af þessum ritum, þó að margt hafi breyst þá er manneskjan alltaf sú sama. Engin eðlisbreyting hefur orðið á manningunum. Menn sem sagt er frá í fornorn ritum, hvort sem það er í Njálu eða í frá sögnum af mönnum eins og Alexander mikla, eru náttúrulega menn af holdi og blóði eins og við. Svo er hægt að læra mjög mikið af sögu fyrri alda og nútímunn verður skiljanlegri með hliðsjón af sögunni. Sagan endurtekur sig kannski ekki en það er margt sem er líkt og rauður þráður í gegnum aldarnar. Styrjaldir og valdabrólt leysa úr læðingi óskaplega illsku eins og sést í fréttum frá átökum í Líbanon.“

– Hvernig er það fyrir kirkjunnar menn að fylgjast með sögunni endalausu í landinu helga?

„Þetta er afskaplega dapurlegt. Ég hef komið til Ísrael og þetta er mjög lítið land, mínna en Ísland og það er ekki lengi gert að keyra þar þvert og endilangt. Gyðingar

og arabar búa hlið við hlið og svo skiptast þjóðirnar í ýmsa trúflokka með mismunandi siði. Í Jerúsalem til dæmis er alltaf einhverstaðar opin búð, múslimarnir loka á föstudögum, gyðingarnir á laugardögum og þeir kristnu á sunnudögum. En það er svo dapurlegt að sjá það að fólk geti ekki búið saman í sátt og samlyndi. Það sem hefur valdið þessu hatri er að gyðingar koma til landsins í óþökk arabanna, kaupa upp land og þegar kemur til átaka þá vinna þeir allar styrjaldir með stuðningi frá Bandaríkjunum. Þá fara Palestínumenn í það að stunda skæruherað. Ég var þarna sem háskólastúdent á sínum tíma og við fengum tækifæri til að hitta menn úr háskólasamfélaginu og trúfloknum og maður skynjaði hvað það er mikið hatur á milli manna. Hatur sem nærast á sögu átaka aftur í tímann. Þegar menn upplifa það að missa náinn ættingja í svona átökum þá er ekki hægt að rökræða neitt, tilfinningarnar ráða för. Þetta er það sem stjórnar hugum ráðamanna í Ísrael og Palestínu. Boðskapur Jesús er hins vegar boðskapur friðar og fyrirgefningar. Það verður ekki friður nema að menn fyrirgefi. Í Njálu verður ekki friður fyrir en Kári og Flosi sættast á Svínafelli.

Við Evrópumenn brenndum okkur á þessu eftir fyrri heimstyrjöldina þegar við vorum upptekin að því að refsa Þjóðverjum, taka af þeim land, leggja iðnaðinn þeirra í rúst og niðurlægja þá. Það var kannski ástæða þess að Hitler komst til valda. Sem betur fer lærðu menn af þessu og í stað refsinga var stuðlað að uppbyggingu og sátt í Evrópu og Palestínu eftir seinni heimsstyrjöldina. Stríð eru mestu hörmungar sem geta dunið yfir okkur, við lifum ekki nema í sjötíu ár og þau eru fljót að líða. Þeim tíma er afskaplega illa varið í vopnaskak og styrjaldir.

Lýðræði er algjört lykilaríði í því að koma á friði fyrir botni Miðjarðarhafs. Sátt komst ekki á í Suður Afríku um. Menn sem sagt er frá í fornorn ritum, hvort sem það er í Njálu eða í frá sögnum af mönnum eins og Alexander mikla, eru náttúrulega menn af holdi og blóði eins og við. Svo er hægt að læra mjög mikið af sögu fyrri alda og nútímunn verður skiljanlegri með hliðsjón af sögunni. Sagan endurtekur sig kannski ekki en það er margt sem er líkt og rauður þráður í gegnum aldarnar. Styrjaldir og valdabrólt leysa úr læðingi óskaplega illsku eins og sést í fréttum frá átökum í Líbanon.“

– Nú ert þú búinn að vera hér í fimmtán ár hvernig hefur þessi tími verið?
„Þetta hefur verið mjög góður tími. Okkur líðið vel, fjölskyldan hefur stækkað, við komum hingað barnlaus en höfum eignast tvö börn. Ég á hef frændfólk þannig að eitt-hvað þekkti ég til á Ísafirði.



Þetta var sú hugmynd sem menn höfðu fram eftir öldum en í kjölfar mikilla trúarbragðastríða þá sáu menn að ekki var hægt að gera þá kröfu að allir þegnarir væru sömu trúar.

Eftir þetta voru þjóðfélög byggð upp á öðrum grunni, á tímabili voru menn með rómantískar hugmyndir um eina fljótt á einu landi. Menn hafa horfið frá þessu og sjá að eins og til dæmis í Bandaríkjunum búa margar þjóðir með mismunandi menningu og trúarbrögð. Þjóðin þarf ekki öll að hafa sömu trúna. Það sem þarf er samfélagssáttmáli, stjórnarskrá og að fólk sé tilbúið að lifa saman í sátt við ákveðið stjórnarfar. Lýðræði er líklega besta leiðin til að tryggja sátt þessara. Ég held að þessi hugmynd um gyðingaríki sé rómantísk hugmynd og gangi ekki til lengdar. Siðaboðskapur trúarbragðanna getur verið notaður til að móta stjórnarskrár og lagaumhverfi, en trúarríki ganga ekki upp.“

Er ekki á leiðinni í burtu

– Nú ert þú búinn að vera hér í fimmtán ár hvernig hefur þessi tími verið?

„Þetta hefur verið mjög góður tími. Okkur líðið vel, fjölskyldan hefur stækkað, við komum hingað barnlaus en höfum eignast tvö börn. Ég á hef frændfólk þannig að eitt-hvað þekkti ég til á Ísafirði.

deili á. Til dæmis þegar maður skír barn þá þekkir maður kannski ömmuna og afang og uppgötvar fjölskyldutengslin á Ísafirði og mér þykir það vera notalegt.“

– Ertu búinn að ná því að ferma börn sem þú skírðir?
„Ég náði því rétt áður en ég fór í námsleyfið. Þegar maður nær því að skíra börn þeirra þetta ekki nógu mikið. Ég hef kominn í annan ættlið þá getur maður sagst vera gamall í hettunni.“

– Hvaða áhugamál hefur presturinn fyrir utan lestur gamalla rita?

„Ég hef mjög gaman af kvikmyndum og tónlist og yndi af því að elda og borða góðan mat enda í matarklúbbi. Útvera heillar mig og frá fornu fari hef ég áhuga á seglbátum en því miður stunda ég þetta ekki nógu mikið. Ég hef átt tvo seglbáta hérna, er reyndar bátlaus núna.“

– Er það ekki rétt að samband prestsins við máttarvöldin hafi átt að nýtast við siglingarnar?

„Jú, það er rétt. Við vorum fjórir sem áttum báttin og það var ákveðið að Óli Kitt sem er rafvirki ætti að sjá um rafmagn, Jón Björnsson sem er lærður vélvirki var með vélina á sínum snærum, Torfi Einars sem vinnur hjá Sjóvá átti að sjá um tryggingamálin og ég presturinn átti að sjá um veður og vind“, segir séra Magnús Erlingsson kíminn.

–smari@bb.is

Smáauglýsingar

Til sölu er SoftTup rafmagns-nuddpottur, sex manna. Erum að fá okkur minni. Upplýsingar í síma 863 3894.

Við erum að byrja að búa, og vantar sófa, ískáp og eitthvað smávægilegt í búð gefins eða fyrir lítinn pening. Upplýsingar í síma 848 6017.

Á Núpi er til leigu í vetur góð íbúð. Reglusemi er skilyrði. Upplýsingar í síma 456 0240 og 553 9355.

Stór árabátur eða lítill trillubátur óskast keyptur (1-2ja tonna). Upplýsingar í síma 456 0240 og 553 9355.

Til leigu 3ja herb. íbúð í efri bænum á Ísafirði. Upplýsingar í síma 896 7728

Fjögur vetrardekk á felgum með koppum til sölu. Upplýsingar í síma 868 3106.

Til leigu er 3 herb. íbúð. Upplýsingar í síma 896 7728

Til leigu er 3ja herb. íbúð á eyrinni. Sér inngangur og sameiginlegu þvottahúsi með annarri íbúð. Upplýsingar í síma 587-0800 og 867-4832.

Til sölu Mitsubishi L300 árg. 90 nýskoðaður. Tveir eldri L300 fylgja með númerslausir, annar gangfær. Dekk, felgur og ýmsir varahlutir fylgja með. Upplýsingar í síma 861 6219 frá kl. 18-22

afmæli



Í dag 24. ágúst er Þorbjörn Halldór Jóhannesson, (Doddi Jóh. bæjarverkstjóri) 50 ára. Hann verður ekki heima við á afmælisdaginn.

bb.is

STAKKUR SKRIFAR



Frá keppninni í mýrabolta sem haldin var í Tungudal.

„Áfengi og börn eiga ekki saman“

Nokkuð bar á því að forráðamenn barna í áhorfendahóp Mýraboltans sem haldinn var í Tungudal fyrir stuttu væru ósáttir yfir ölvunarkeppenda. Þá höfðu foreldrar samband við blaðið en þegar haft var samband við Jón Pál Hreinsson, einn stjórnenda mótsins, hafði honum ekki borist neinar kvartanir.

„Leiksvæðið er ekki lokað, þótt það sé afgirt, og það er 18

ára aldurstakmark á mótinu sem kemur skýrt fram við skráningu. Það er haft strangt eftirlit með því svo að ekki sé hægt að taka þátt undir aldri. En ef einhver börn hafa orðið fyrir ónáði þykir okkur það mjög leiðinlegt og það verður að brýna það enn betur fyrir keppendum og foreldrum fyrir næsta mót að börn og áfengi eiga ekki saman“, segir Jón Páll og vísar til fréttar sem

birtist á heimasíðu mótsins rétt fyrir mót þar sem fólk var beðið að gæta hófs: „Foreldrafélag mýraboltans vill koma þeim tilmælum til keppenda, að ganga hægt um gleðinnar dyr á laugardaginn. Og keppendur eru beðnir að gæta sér hófs, en fá í staðinn útrás inni á vellinum“, segir í fréttinni.

Að sögn Jón Páls var yfirgnæfandi meirihluti keppenda sem hagaði sér óaðfinnanlega

en alltaf eru einhverjir sem kunna sér ekki hófs. Þá voru stjórnendur mótsins í góðu samstarfi við lögregluna um eftirlit á mótinu. „Við vorum í sérstaklega góðu sambandi við lögreglu fyrir mótið og við stjórnendur höfðum beint samband ef það skyldi koma upp að einhverjir undir aldri kæmu inn á svæðið undir áhrifum. Lögreglan mætti á svæðið og mér skilst að hún

hafi haft mjög virkt eftirlit“, segir Jón Páll. Mikill fjöldi var á svæðinu eða 242 keppendur auk áhorfenda.

Rétt er að geta þess að Mýraboltinn er ekki ætlaður sem fjölskylduskemmtun þó að öllum sé frjálst að fylgjast með viðburðinum. „Það kom skýrt fram í öllu kynningarstarfi í kringum boltann að ekki er um fjölskylduskemmtun að ræða“, segir Jón Páll.

Kennarar og skólastjórar á aganámskeiði

Grunnskólakennarar og skólastjórar á Vestfjörðum hafa setið námskeið um agamál og samskipti hjá Fræðslumiðstöð Vestfjarða. Námskeiðið er einn afkrakstur þess áttaks sem gert var á síðast liðnu ári sem ber yfirskriftina „Fræðsluhönnun í heimaþyggð“ og var hrundið af stað

til að virkja heimafólk í að búa til námskeið til endurmenntunar kennara og skólastjóra. Megintilgangur var í fyrsta lagi að halda fjármunum í heimabyggð með því að fá leiðbeinendur á svæðinu til að kenna á endurmenntunarnámskeiðum og í öðru lagi til að skapa aukna þekkingu

heima fyrir.

„Staðreyndin er nefnilega sú að sú þekkingarsköpun við nám og kennslu verður aðeins að hluta til hjá þeim nemendum sem sitja námskeiðin. Um talsvert þekkingarsköpun á sér einnig stað hjá þeim sem búa til námsefnið; hjá þeim sem sjá um fræðsluhönnun

ina. Ef námskeið eru aðkeypt fara því bæði fjármunir útaf svæðinu og hluti þekkingarsköpunarinnar verður til annars staðar“, segir í frétt á vef Fræðslumiðstöðvarinnar.

Í áttakinu „Fræðsluhönnun í heimabyggð“ bárust 14 hugmyndir að námskeiðum. Voru sumar hugmyndirnar reyndar

margþættar þannig að fjöldi tillagna að námskeiðum voru fleiri.

Af þessum tillögum voru sex valdar til útfærslu og settar á endurmenntunaráætlun grunnskólanna í fjórðungnum, auk þriggja aðfengra námskeiða.

– thelma@bb.is

Drullugott

Nútímminn krefst afþreyingar. Það er reyndar ekki nýtt. Rómverjar héldu lýðnum góðum undir kjörörðinu „Braud og leikir“. Markmiðið var að þegnar Rómarkeisara væru saddir og fengju hæfilega spennu og afþreyingu til að rísa ekki gegn drottarna sínum, keisaranum sem sat hverju sinni. Þörfin fyrir nægan mat og afþreyingu ásamt hæfilegri spennu hefur fylgt mannskeppunni frá því hún komst á það stig að hafa tíma aflögu frá þeirri iðju að hafa í sig og á. Spennufíknin fylgir henni einnig, eins og glögg má sjá á framferði margra í umferðinni. Eitthvað nýtt og spennandi er krafa tölvukynslóðarinnar sem nú vex úr grasi. Þá er ekki ónýtt að hafa mýraboltann, sem er algerlega frábrugðin hinum venjulega fótbolta.

Mýraboltinn á Ísafirði er tær snilld. Bæði þátttakendur í íþróttinni sjálfri og ekki síður áhorfendur njóta þess sem gerist á „vellinum“ og ber fyrir augu af mikilli innlifun. Ekki skemmir að sjá liðsmenn bæða karla- og kvennaliða óhreinna sig, hreinlega velta sér upp úr drullunni. Þar er komið að frumbörf margra barna á leikskóla, en þau sækja í polla og að velta sér upp úr óhreinindum. Gamalt máltæki segir að af misjöfnu þrífist börnin best. Hér er nú tækifæri til þess fyrir fullorðið fólk að ganga í barndóm í nýjum skilningi og njóta þess undir merki íþróttar, sem boða heilbrigða sál í hraustum líkama. Ef til vill var það ekki markmið forsvarsmanna ung-

mennafélaganna fyrir einni öld að sjá fullorðið fólk velta sér upp úr forinni, en íþrótt er það og íþrótt skal það heita. Ekki skemmir að hún veitir mörgum gleði í sinni.

Forsvarsmenn Ungmennafélags Íslands höfðu ekki hugmynd um að tæknin myndi sjá um þvottana á búningum íþróttamanna. Þessi sérkennilega íþrótt hefur ýmsa kosti og þeir sem hana stunda fá útrás fyrir spennubörf og mikla hreyfingu um leið. Talsvert þarf að hafa fyrir því að komast um „völlinn“, allar hreyfingar verða mun hægari, auðveldara verður að bregðast við þeim sem rekt á félagi sinn eða andstæðing og alvarleg meiðsl því mun ólíklegri en við ástundun venjulegs fótbolta. Tjón samfélagsins verður því minna vegna læknisaðstoðar og endurhæfingar. Menn, bæði karlar og konur, gera ekkert verra af sér á meðan æft er og keppt. Snöggtum skára er að vita af fólk í drullunni heldur en ótt úti í umferðinni, þar sem mörgum gengur afar illa að hemja sig og valda stórhættu bæði sjálfum sér og öðrum.

Ekki skaðar að þótt eitthvað verði um skítkast. Þá hefur það þann kost í þessu samhengi að það þvæst af, ólíkt því sem oftast gildir um afleiðingar pólitísks skítkasts. Og mýrabolti vekur forvitni, laðar marga að og veitir mörgum hreina útrás ef svo má að orði komast í þessu tilviki.

Stakkur hefur ritað vikulega pistla í **Bæjarins besta** í mörg ár. Skoðanir hans á mönnum og málefnum hafa oft verið umdeildar og vakið umræður. Þær þurfa alls ekki að fara saman við skoðanir útgefenda blaðsins. Þrátt fyrir það bera ábyrgðarmenn blaðsins ábyrgð á skrifum **Stakks** á meðan hann notar dulnefni sitt.

Ólína Þorvarðardóttir, Miðtúni 16 á Ísafirði skrifar

Út úr kófinu ... frá Funa!

Tryggvi Guðmundsson lögmaður hefur nú skrifað tíma-bæra grein á bb.is um þá sjónmengun sem sorpbrennslustöðin í Funa hefur valdið hér í bæ undanfarin ár. Þegar grein Tryggva birtist var sú sem hér heldur á penna komin á fremsta hlum með að vekja máls á þessu ófremdarástandi í blaðagrein, en Tryggvi hefur nú blessunarlega tekið af mér ómakið. Hann skorar hinsvegar á bæjarbúa að láta í sér heyra vegna málsins, og tek ég fegins hendi þeirri áskorun.

Langlundargeði Ísfirðinga er viðbrugðið í málefnum sorpbrennslustöðvarinnar, því það er hreint ótrúlegt hversu lengi þeir hafa af þolinmæði beðið úrbóta á ástandinu. Hlýtur þó hver heilvita maður að sjá hversu óviðunandi þetta er fyrir bæjarfélag sem þarf á öllu sínu að halda til að laða

hér að bæði ferðamenn og nýja íbúa.

Skaðsemi útblástursins

Frá því ég flutti hingað vestur síðsumars 2001 hefur mengunarmistrið lagt frá stöðinni nær daglega. Skýrast er þetta á lognstílltum vetrardögum þegar reykurinn helst kyrr undir kaldari loftlögum. Á slíkum dögum er beinlínis ömurlegt að hugsa til lítilla barna í Holtahverfi sem sofa í vögnum undir húsveggjum og anda þessu að sér. Gildir einu þó að misvitirir menn reyni að telja okkur trú um að þarna séu einungis „vatnsdropar“ í lofti en ekki hættuleg útblástur-sefni. Þegar Hermann Þórðarson, efnavekfræðingur hjá Iðntæknistofnun, var innur eftir því haustið 2001 hvort

sú fullyrðing fengi staðist að hinn sýnilegi reykur væri einungis skaðlaus vatnsgufa neit að hann því (sjá bb.is þann 21.09.2001). Hann benti á að í útblæstrinum eru efni á borð við kolmónoxíð, vetnisklóríð og brennisteinvíoxíð.

Bláa litnum, sem bæjarbúar hafa tekið eftir, veldur brennisteinssúrt gas, en auk þess eru í reyknum frá stöðinni þungmálmur sem mælingar hafa sýnt að eru umtalsverðir, og óþægilega nálægt þeim mengunarmörkum sem starfsleyfið gerir ráð fyrir. Skal því engan undra þó að sérfræðingar treysti sér ekki til að fullyrða að þessi mengun sé ekki skaðleg mönnum. Sjálfri er mér minnstæð nýleg lýsing Elvars Bæringssonar á bb.is þar sem hann lýsti vanlíðan og veikindum sem hann varð fyrir einn góðviðrismorguninn,

þegar hann ætlaði að hjóla til vinnu og lenti inn í reykjarkófinu frá Funa (sjá bb.is þann 20.03.2006).

Sagan endalaus

Við lauslega skoðun á bb.is kemur í ljós að málið hefur oft verið til umræðu á undanförunum fimm árum. Óvenjulegt virðist ástandið hafa verið í ársbyrjun 2003 þegar bæjaryfirvöldum barst fjöldi fyrirspruna í góðviðrískafli sem stóð í nokkrar vikur. Ævinlega hefur því verið svarað að hreinsibúnaður væri tilbúinn, nýjar súr væru á leiðinni og með tilkomu þeirra ætti öll sjónmengun frá stöðinni að vera úr sögunni (sjá bb.is 22.10.2003, 17.05.2003 og nú síðast 31.07.2006). En hvað svo? Hafa marg gefin loforð um að ástandið batni staðist?



Ólína Þorvarðardóttir.

Ástandið bara versnar ár frá ári, og hefur líklega aldrei verið verra en í sumar. Ætlum við að verða samdauna þessum fjanda?

Nei, það sæmir ekki í velferðarsamfélagi 21. aldar að bjóða íbúum og gestum staðarins upp á annað eins og þetta. Með staðsetningu stöð-

varinnar voru gerð mistök á sínum tíma - mistök sem bæjaryfirvöld verða hreinlega að leiðrétta. Það er auðvitað dýrt að finna stöðinni nýjan stað – en því miður er útlit fyrir að það sé eina ráðið. Stöðin annar vart öllum þeim úrgangi sem til hennar berst. Hún virðist vera keyrð af fullu afli nótt sem nýtan dag – og kannski skýrir það hvernig komið er, þ.e. að hreinsibúnaðurinn anni hreinlega ekki öllu því sem fer í gegnum reyksháfinn.

Hver svo sem ástæðan er, þá má ekki dragast lengur að gripa til raunverulegra úrbóta á þessu ófremdarástandi. Bæjaryfirvöld verða hreinlega að finna ráð sem duga – og það fljótt, áður en skömmin kemur niður á hagsmunum bæjarins til lengri tíma.

Ólína Þorvarðardóttir, Miðtúni 16, Ísafirði.



Ísafjarðarhöfn. Töluvert minna var landað af þorski í júlí í ár en í fyrra.

Ríflega 1.500 tonn af þorski á land í júlí

Alls var 1.529 tonnum af þorski landað á Vestfjörðum í júlí í ár, sem er talsvert minna en var landað í fyrra þegar 1.914 tonn komu á land. Samdrátturinn nemur um 20% á milli ára. Þá er einnig nokkur samdráttur í ýsueiðum, þó töluvert minni sé, en í júlí í ár

var 599 tonnum af ýsu landað á Vestfjörðum miðað við 632 tonn í fyrra. Samdrátturinn er þá upp á 5,2%.

Margfalt meiri ufsa var landað í júlí í ár en í fyrra, eða 485 tonnum í ár á miðað við einungis 60 tonn í fyrra. Það er rétt ríflega áttföldun á afla

á milli ára. Sömu sögu má segja um karfa, en nær engum karfa var landað í júlí í fyrra, einungis átta tonnum á öllum Vestfjörðum. Í júlí í ár hins vegar var 149 tonnum af karfa landað, en það er 18,5 sinnum meira en í fyrra.

Þá er dálítill aukning í stein-

bítisveiðum á milli ára þar sem 291 tonni var landað í júlí í ár, á miðað við 223 tonn í júlí í fyrra. Aukning er upp á 30% á milli ára. Þá er allt við það sama í rækjuveiðum, en ekki kom ein rækja af Íslandsmiðum á land á Vestfjörðum í júlí.

– *eirikur@bb.is*

Mikil aukning á farþegafjölda Sæðisar ÍS

Um 1200 manns voru fluttir til Hornstranda frá Norðurfirði í Árneshreppi í sumar á vegum bolvískra fyrirtækisins Freydísi sf. Nemur aukningin um 450 manns milli ára en síðasta ferðin í ár var farin 9. ágúst. Keyptur var nýr bátur til fyrirtækisins í vor, Sæðis ÍS, sem reynst hefur afar vel.

Greint er frá því á strandir.is að greinilegt sé að vinsældir svæðisins séu aukast verulega, enda er nú orðið þægilegra að nálgaast svæðið þó menn séu

ekki þaulvanir göngugarpar. Bent er á að haustið sé rétti tíminn til að huga að Hornstrandarferð næsta árs og panta ferðir og gistingu. Gistingu í svefnokaplássí má nú fá á þremur stöðum í óbyggðum norðan Stranda, í Hornbjargsvita í Látravík, hjá Ferðabjónustunni Mávabergi í Bolungarvík og hjá Ferðabjónustunni Reykjarfirði.

Nánari upplýsingar um Freydísi sf. má finna á vef fyrirtækisins. – *thelma@bb.is*



Sæðis ÍS hefur flutt um 1200 manns til Hornstranda frá Ströndum í sumar.

TRYGGVI GUÐMUNDSSON HDL
löggitur fasteignasali

Hafnarstræti 1 - Ísafirði - Sími 438 3244
Faxi 438 4547 • Netfangi eign@tryggvi.is
Heimasíða: www.fva.is

 1. Eignarstígi 16, Hafnar- 173 m² stórmyntið eiginleiki á trélausum hælum, byggt árið 1957 ásamt 28 m² bíl- stæði. 18.600.000,-	 1. Eignarstígi 16, Hafnar- 173 m² stórmyntið eiginleiki á trélausum hælum, byggt árið 1957 ásamt 28 m² bíl- stæði. 18.600.000,-
 1. Eignarstígi 16, Hafnar- 193 m² stórmyntið eiginleiki á trélausum hælum með innbyggðum bílstaði, stöng- stæði á að hafa þessu svæði hærbergi. 18.700.000,-	 2. Eignarstígi 16, Hafnar- Fjögurra herbergja íbúð á þrjú hæð í fjölbýli- shúsi, íbúðin er 96 m² og sér gæymala í kjallara og 14 m² Gott útsýni yfir fjökið. 8.700.000,-
 1. Eignarstígi 16, Hafnar- 173 m² þriggja herbergja íbúð á jarðhæð í fjölbýlishúsi, útgangur er stöng þessu í garði, sér gæymala í samlegri og samlegri þvottabúnaði á þessu svæði. 18.700.000,-	 2. Eignarstígi 16, Hafnar- 101 m² fjögurra herbergja íbúð á 3. hæð til einnari í fjölbýlishúsi ásamt 17 m² stöngmynda í kjallara, nýtt parket, nýir flataklapar og ný eiginleikastítt, þaðherbergi er lögga uppgerð. 12.900.000,-
 2. Eignarstígi 16, Bolungarvík- 150 m² eiginleiki byggt á stórmynti árið 1977 ásamt 80,3 m² bílstaði. Íbúðin er er lögga miðað að stöng. 15.500.000,-	 2. Eignarstígi 16, Bolungarvík- 86 m² garðin í Svabók, byggt árið 1997, það innviðurborgi. 7.100.000,-

Tryggvi Guðmundsson, Móholti 7 á Ísafirði skrifar

Opið bréf til bæjarstjórnar Ísafjarðarbæjar

Frá því um miðjan júlí hefur sumarið loks látið sjá sig á Vestfjörðum. Hér á Ísafirði höfum við upplifað sumar-daga eins og við viljum sjá þá og geymum alltaf í minningunni frá liðnum tíma, spegilsléttan Pollinn þar sem æðar-fuglinn syndir letilega meðfram ströndinni og skilur eftir sig langa straumrák. Þessum fallegu logndögum fylgir mjög svo hvítleitt ástand í

bænum.

Frá sorpeyðingarstöðinni í Engidal hrannast upp blá mengunarský sem liðast um fjallshlíðarnar eins og dala-læða á mildum haustdögum. Ólíkt dalalæðunni bera þessi mengunarský með sér ódaun sem leggur yfir byggðina þegar verst tekst til. Þetta ástand hefur verið afsakað með skorti á pokasýjum í stöðinni, en bæjarbúar hafa upplifað þessa

mengun á logndögum frá því að stöðin var tekin í rekstur þótt ástandið hafi sjaldan verið verra en nú á einum af þessum fallegu dögum þegar þetta bréf er skrifað.

Á sínum tíma var sorpeyðingarstöðin keypt og henni valinn staður í barnlegri tiltrú þáverandi bæjarstjórnarmanna á auglýsingaskrum söluaðila um fullkominn hreinsibúnað. Minnir mig að einhver bæjar-

fulltrúinn hafi verið reiðubúinn að sofa í skorsteininum, svo hreinn átti útblásturinn að vera. Helst voru bæjarstjórnarmenn á því að stöðin ætti að vera niður í Suðurtanga eða rétt ofan byggðar í Holtahverfi. Eftir kröftug mótæmi bæjarbúa, sem vildu flestir að sorpeyðingarstöðin væri staðsett út í Seljadal, varð úr að setja hana niður á núverandi stað. Þessi staðsetning var jafnvel ennþá vitlausari hinar fyrri hugmyndir þar sem staðsetning var ennþá við bæjar-dyrnar, auk þess sem stöðinni var með mikilli nákvæmni valinn staður á mesta snjóflóðahættusvæði í Engidal.

Nú er svo komið að Ísafjörður er ekki lengur auglýstur né þekktur sem fiskibær með fjölda fiskverkunarhúsa og mjólverksmiðja. Verið er að auglýsa bæinn sem vistvæn og hreinan bæ með aðdráttarafl fyrir ferðamenn. Hefur margt áunnist og verið vel gert í þeim efnum. Um leið og við höldum uppi þessari mynd af bænum horfa ferðamenn út um gluggann á hóteliinu á svarblátt mengunarský yfir bænum líkt og sést sumstaðar erlendis í óhrjálægum verksmiðuborgum og finna óþverralykt þegar þeir fá sér göngutúr upp í grasigróna hlíð.

Er ekki kominn tími til að



Tryggvi Guðmundsson.

horfast í augu við þá staðreynd að staðsetning sorpeyðingarstöðvarinnar var og er tíma-skekkja. Í dag dytti engum

sveitarstjórnarmanni í hug að staðsetja sorpeyðingastöð ör-stutt frá þéttbýli í logsælum og þröngum firði. Það er mikill kostnaður fólginn í að flytja stöðina á skynsamlegri stað en getur fjárhagslegt tap okkar ekki orðið ennþá meira ef við stingum höfðinu í sandinn og gerum ekkert í málinu næsta áratuginn. Með því sköðum við óþætanlega ímynd bæjarins fyrir nú utan þau óþægindi sem við sjálf verðum fyrir af sjón- og lyktarmengum.

Til að eitthvað verði gert í þessum málum þurfa bæjarbúar að láta heyrta í sér því ég veit að ég er ekki sá eini sem ofbýður þetta ástand í bænum.

– Tryggvi Guðmundsson, Móholti 7, Ísafirði.



Þingeyri.

Endurbætur hafnar á Sigmundarhúsi á Þingeyri

Framkvæmdir við Sigmundarhúsið svokallaða á Þingeyri eru hafnar. Wouter Van Hoeymissen, belgískur maður, sem búsettur hefur verið á Þingeyri að undanförmu, keypti húsið sem stendur við Fjarðargötu, en það er einnig þekkt sem Simbahöll. Wouter hefur hug á að koma upp eins konar menningarhúsi, þar sem verði kaffisala og ýmis önnur starfsemi; kvikmyndasýningar, tónleikar, ljóðalestur og matsala.

„Fólk sem heimsækir Þingeyri þarf að hafa þægilegan stað með fjölmennarlegu yfirbragði þar sem hægt er að drekka kaffi, þiggja veitingar

og fá upplýsingar um bæinn, íbúa hans og það sem umhverfið hefur upp á að bjóða“, sagði Wouter í bréfi til bæjarstjóra Ísafjarðarbæjar, þar sem hann falaðist eftir húsinu.

Húsið er áberandi í bæjarmynd Þingeyrar, enda er það stórt og glæsilegt þó það sé illa farið. Sigmundur Jónsson, kaupmaður, reisti þetta glæsilega hús 1916 og rak þar lengi fjölbreytta verslun. Á síðari árum hefur húsið verið í niðurníðslu, enda mannaust lengi.

Fyrirhugað er að endurbætur á húsinu verði gífurlegar. Wouter vill færa húsið fjar götunni og byggja nýjan

grunn sem helst á að vera tvöfalt lengri en sá sem nú er svo hægt verði að byggja sólpall. Þá vill hann setja stóra glugga á bakhlíð hússins og hurð út á sólpallinn. Wouter gerir ráð fyrir að 18 til 20 mánuði taki að byggja nýjan grunn og flytja húsið, laga útveggi þess, þak og einangrun. Þá gerir hann ráð fyrir þremur árum til viðbótar til að ljúka framkvæmdum að innan.

Búið er að reisa mikla vinnupalla utan á Sigmundarhúsið, en þess má geta að þar kemur Sigmundur Þórðarson, húsasmíðameistari og barnabarn Sigmundar kaupmanns við sögu. – *thelma@bb.is*

Blaðamaður

Blaðamaður óskast til starfa á Bæjarins besta og bb.is frá og með mánaðarmótum ágúst/september. Viðkomandi þarf að hafa góða íslensku kunnáttu, geta unnið sjálfstætt og hafa góða þekkingu Vestfjörðum.

Nánari upplýsingar veitir Sigurjón J. Sigurðsson í síma 456 4560.

Ertu orðin(n) áskrifandi?

Gott gengi hjá Ýmislegu smálegu

Aðsókn á sýningar fyrir-tækisins Ýmislegt smálegt á Ísafirði jókst í sumar, en síðasta sýningin fór fram á mánudagskvöld. Að sögn Gylfa Ólafssonar annars eiganda fyrirtækisins hefur sumarið gengið afar vel og sýningarnar betur sóttar heldur en í fyrra. Þetta er

annað árið sem Ýmislegt smálegt hefur boðið ferðafólki upp á afþreyingu af ýmsu tagi undir nafninu „An Evening in Ísafjörður“.

Boðið var upp á ljósmynda-sýningu og fyrirlestur sem ber yfirskriftina „Photos and Facts“ og kvikmyndasýningar á myndunum Nóa Albínóa og

Börnum Náttúrunnar undir nafninu „On Location“, sem vísar til þess að myndirnar voru teknar upp á norðanverðum Vestfjörðum. Ýmislegt smálegt bauð einnig í samstarfi við Kóme-ðíuleikhúsið upp á enska útgáfu leiksýningarinnar um Gísli Súrsson.

● Sælkerar vikunnar · Dagný Sveinbjörnsdóttir og Heimir Hansson á Ísafirði

Kartöflur með taco-fyllingu

Sælkerar vikunnar bjóða upp á spennandi rétt með mexíkónsku ívafi; kartöflur með taco-fyllingu. Rétturinn er tilvalinn þegar bjóða á upp á framandi matreiðslu. Heimir og Dagný mæla með því að rétturinn sé borinn fram með góðu salati. Í eftirrétt er Súkkulaði pavolova sem er dýrindis kaka fyrir alla sanna sælkeri. Þess má geta að Heimir og Dagný hlupu í skarðið fyrir sælkeri vikunnar sem gat ekki orðið við áskoruninni í tíma vegna sumarleyfa.

Kartöflur með taco-fyllingu
3 stórar bökunarkartöflur
1 msk. bráðið smjör eða smjörlíki
½ kg nautahakk
1 dós niðursoðnir tómatar
1 bréf taco-krydd
½ bolli rifinn ostur

Bakið kartöflurnar við 180-200°C í um það bil 1 klst. eða þar til þær eru orðnar mjúkar. Látið kólna aðeins og skerið síðan í tvennt og skafið innan úr þeim þannig að þunn skel (1/2–1 cm) verði eftir. Penslið kartöfluskeljarnar með smjör-

inu að innan og utan og svo setjið aftur inn í ofninum í um 20 mín. Á meðan kartöflurnar bakast í seinna skiptið er hakkið steikt á pönnu. Skerið tómataana smátt og bætið út í hakkið ásamt tómátvökvanum úr dósinni og taco-kryddinu. Látið malla í um 20 mín. Setjið síðan hakkið í kartöfluskeljarnar, stráðið rifnum osti yfir og bakað í 5-10 mín. eða þar til osturinn hefur bráðnað.

Súkkulaði pavolova

4 eggjahvítur
2 ½ dl sykur

1 tsk. maismjöl
1 tsk. vanilludropar
60 g saxað súkkulaði
2 ½ dl þeyttur rjómi
3 bollar jarðarber, bláber eða önnur ber

Stíffpeytið eggjahvíturarnar. Þeytið sykurinn saman við, u.þ.b. 2 matskeiðar í einu, og síðan maismjölið og vanilludroparnir. Blandið loks súkkulaðinu varlega í. Setjið blönduna á bökunarpappír og smyrjið í hring sem er u.þ.b. 20 cm í þvermál. Búið til dæld í kökuna, um það bil 12 cm í



þvermál og látið brúnirnar vera um 2,5 cm háar. Bakið við 140-150°C í miðjum ofni í um það bil 1 klst. Kakan á að vera stökk að utan en mjúk inn í. Látið kólna í ofninum í um 1 klst. Skálin/dældin í kök-

unni fyllt með þeyttum rjóma og svo berjum.
Við ætlum svo að skora á Matthildi Guðmundsdóttur og Viggó Bjarnason í Bolungarvík.




40% afsláttur
898 kr/kg
Verti áður 1.464 kr/kg
 Lambalegni úr kjötbörðl. *

Úrval af helgartilboðum

Fjöldi annarra girnilegra tilboða sem gilda 24. - 27. ágúst

288 kr/kg
Verti áður 384 kr/kg
25% afsláttur
 Isfugl Tex Mex
 vængir

441 kr/kg
Verti áður 660 kr/kg
30% afsláttur

 Hrossakjöt
 saltað úrb.

1.087 kr/kg
Verti áður 1.626 kr/kg
30% afsláttur
 Grillkjöt
 Grísaköttletur
 Mediterraneani

298 kr/kg
Verti áður 576 kr/kg
48% afsláttur
 Svíð - Vorkað

2 fyrir 1
 Kuchenmeister
 Marsepankaka

20% afsláttur
 Fructis Oil
 Repair sjámpó
 og hámmæring

149 kr
Verti áður 213 kr
 Egils Kristall
 2 lítrar

20% afsláttur
 Trópi
 3 í pökku

189 kr
Verti áður 228 kr
 Baby gulætur
199 kr
Verti áður 248 kr
 Rauð paprika

Samkaup **úrval**

Almannagætt - Bláskógur - Bolungavík - Borgarnes - Dalvík - Egilsstaði - Hafnarfjörður - Húsavík - Isafjörður - Moskátubætur - Njarðvík - Ólafsfjörður - Selfoss - Siglufjörður - Skopunarbætur
 Verti gildir með tilfærslu umgjörðanna. *Gætt er gætt 24. - 27. ágúst. *Kjöt er tilgjaflegt í þessum tilboðum einu í einu.

mannlífid

Ábendingar um efni sendist
Hjaltadóttur, thelma@bb.is

til Thelmu
sími 849 8699

Í dag er fimmtudagurinn
24. ágúst, 238. dagur ársins 2006

Pennan dag árið 1906 var símskeytasamband við
útlönd opnað. Sæsiminn frá Skotlandi um Hjaltland og
Færeyjar til Seyðisfjarða var 534 sjómílar..

Pennan dag árið 1944 ræddi Sveinn Björnsson, for-
seti Íslands við Franklin D. Roosevelt forseta Bandar-
ríkjanna í Hvíta húsinu í Washington. Sveinn var þá í
opinberri heimsókn í Bandaríkjunum.

Pennan dag árið 1968 var Norræna húsið í Reykjavík
vígt. Það var byggt eftir teikningum Finnans Alvars
Alto. Fyrsti forstöðumaður hússins var Ivar Eskeland.

Pennan dag árið 1980 lauk fyrstu alþjóðlegu rallkeppni-
inni sem fram hafði farið á Íslandi. Hún tók fimm daga.

Heimild: *Dagar Íslands. Jónas Ragnarsson tók saman.*

● Á þessum degi fyrir 34 árum



Snubbótt skák

Það kom mönnum á óvart þegar samið var um jafntefli í 45. leik biðskákar 17. umferðarinnar í gær. Þegar skákin fór í bið í fyrirakvöld í 40. leik hafði Spassky betri stöðu og var almennt búist við því að hann myndi reyna til þrautar að vinna skákina. Í 45. leik þrátefndi Spassky hins vegar þannig að Fischer hafði rétt til þess að krefjast jafnteffils og það gerði hann.

Skákmeistararnir á áhorfendabekkjum höfðu almennt búist við langri og skemmtilegri biðskák og skemmtilegri, en ekki eins snubbóttir og raun varð á. Einn skákmeistarinn, Jens Enevoldsen frá Danmörku, taldi að hversu fráleitt sem það virtist vera þá hefði Spassky ekki athugað að með 45. leik sínum kom upp sama staðan í þriðja sinn, en slíkt býður jafntefli. Gligoric og fleiri skákmeistarar voru einnig mjög undrandi yfir því að Spassky skyldi ekki vilja tefla áfram. Leikar standa því 10 vinningar gegn 7 fyrir Fischer, en 18. umferðin verður tefld í dag kl. 17 og hefur Fischer hvít.

● Helgarveðrið

Horfur á föstudag:

Hæg suðlæg eða breytileg átt. Víða bjart fyrir norðan en annars skjáð og smáskúrir eða súld. Hiti 10 til 18 stig, hlýjast í innsvæitum.

Horfur á laugardag:

Suðaustralæg átt og rigning eða súld, en úrkomulítið Norðanlands. Hiti 10 til 18 stig, hlýjast fyrir norðan.

Horfur á sunnudag:

Austlæggar áttir með vætu. Áfram fremur milt veður.

Horfur á mánudag:

Austlæggar áttir með vætu. Áfram fremur milt veður.

● Spurning vikunnar

Telur þú það algengt að veiðar séu stundaðar án veiðikorta?

Alls svöruðu 615. – Já sögðu 411 eða 67% – Nei sögðu 117 eða 19% – Veit ekki sögðu 87 eða 14%

Netspurningin er birt vikulega á bb.is og þar geta lesendur látið skoðun sína í ljós. Niðurstöðurnar eru síðan birtar hér.

● Hvað er að fréttá? · Hlynur Þór Magnússon, fyrrum blaðamaður BB

Sinnir ritstörfum á Reykhólum

„Það er andskotann ekkert að fréttá. Ég fluttist hingað í Reykhóla í vor enda ramm breiðfirskur að ætterni. Mamma var úr Djúpaþirði. Hér er gott að vera og mikil uppbygging í gangi. Nokkur íbúðarhús í byggingu og bjartsýnt ungt fólk sem vill hvergi annars staðar vera. Ég sé hér um Upplýsingamiðstöð ferðamála og Hlunnindasýninguna í gömlu mjólkurstöðinni. Þau hlunnindi felast helst í fugli og sel og ég hef sagt í gríni að þegar ég dey verði ég stoppaður upp og settur við hliðina á erninum á sýningunni. Vona að það verði úr þar sem ég vil veg sýningarinnar sem mestan. Annars er ég aðallega að sinna ritstörfum. Lesa yfir handrit fyrir útgáfu og höfunda og las núna síðast annað bindi ævisögu Guðvarðar á Rauðamýri sem kemur út í haust. Svo er ég búinn að vera með skáldsögu í smíðum í nokkur misseri en hana klára ég sjálf sagð aldrei. Hún fjallar eins og allar aðrar skáldsögur mest um höfundinn sjálfan svo það segir sig sjálf að henni verður seint lokið. En mér líður vel á Reykhólum og vona að ég verði hér það sem eftir er.“



Litið um farinn veg hjá Háskólasetri Vestfjarða

Háskólasetur Vestfjarða tók formlega til starfa um síðustu áramót. Þá hófu nemendur sem stunda fjarnám á háskólastigi á Ísafirði og nágrenni nám sitt í nýju húsnæði háskólasetursins í Vestrahúsinu á Ísafirði. Starfsemin gekk mjög vel á fyrstu starfsönninni þó svo að einhverjir byrjunarhnökrar hafi verið á starfinu eins og alltaf má búast við. U.þ.b 110 manns stunda fjarnám við háskóla landsins á þessu svæði og er þar um að ræða bæði grunnháskólanám og framhaldsnám, en gera má ráð fyrir að á öllum Vestfjörðum séu fjarnemendur á háskólastigi í kringum 150.

Það nám sem boðið er upp á í fjarnámi er m.a. kennarnám, leikskólakennarnám, viðskiptafræði, austur-Asíufræði, iðnfræði, kerfisfræði, tölvunarfræði, sagnfræði, íslenska, enska, þjóðfræði, opinber stjórnsýsla, mannaútsjórnun og rekstrar- og viðskiptanám Einnig eru í boði ýmis stök námskeið og verða þau enn fleiri næsta vetur þar sem nú er Háskólasetrið að hefja samstarf við Endurmenntunartofnun Háskóla Íslands og verður boðið upp á ýmis námskeið í fjarkennslu frá þeirri stofnun. Einnig er Háskólasetrið í samstarfi við Símenntun Háskólans í Reykjavík og Símenntun Háskólans á Akureyri og verða einnig í boði námskeið frá þeim. Nú þegar hefur Símenntun Háskólans á Akureyri ákveðið að bjóða upp á námskeið í mannaútsjórnun. Námskeiðið verður í boði í fjarnámi ef þeir eða fleiri þátttakendur fást og verður kennt á þriðjudögum frá kl. 16:15-18:50 frá 12. september til 5. desember. Hér er um að ræða námskeið á háskólastigi sem gefur þrjár einingar. Þeir sem hafa áhuga á þessu námskeiði geta fengið nánari upplýsingar hjá Háskólasetri Vestfjarða eða skráð sig beint á heimasíðu símenntunar Háskólans á Akureyri, www.unak.is/simenntun.

Háskólasetrið setti af stað á síðustu vorönn svokallað Vísindaport. Vísindaportíð er óformleg umræða í hádeginu



á föstudögum þar sem hinir ýmsu fræðimenn koma og kynna rannsóknir og verkefni sem þeir eru að vinna að eða hafa unnið að áður. Einnig stendur Háskólasetrið að fyrirlestrarröð í samvinnu við Vestfjarðarakademíuna og voru nokkrir áhugaverðir fyrirlestrar haldnir á vorönn.

Háskólasetrið hefur einnig staðið fyrir nokkrum stökum námskeiðum og má þar nefna námskeið í samningatekni sem var haldið í samstarfi við Símenntun Háskólans í Reykjavík, námskeið í kínversku og kínverskri menningu og námskeið um Vestfirði á miðöldum sem var haldið í samstarfi við verkefnið Vestfirðir á miðöldum.

Háskólasetrið stóð síðan fyrir Sumarháskóla í safnahönnun og sýningargerð í samstarfi við Safn Jóns Sigurðssonar á Hrafnseyri. Sumarháskólinn var haldinn á Hrafnseyri og var mjög vel heppnaður. Nemendur voru mjög ánægðir með sumarháskólann en leiðbeinendur á námskeiðum sumarháskólans voru þeir fremstu á þessu sviði á heimsvísu og komu þeir frá nærri öllum Norðurlöndunum og einn frá Bandaríkjunum. Stefnir er að því að sumarhá-

Háskólasetur Vestfjarða.

skóli verði árviss viðburður hjá Háskólasetri Vestfjarða.

Gott samstarf við fjarnema

Aðalstarfsemi Háskólaseturs Vestfjarða snýst þó enn um þjónustu við fjarnema í öðrum háskólum. Það er takmark setursins að þjónustan við fjarnemana verði eins og best verður á kosið og er nú unnið að því að laga það sem nemendum fannst helst vanta upp á aðstöðuna á vorönn. M.a. stendur nú til að innrétta sérstakt lestrarherbergi þar sem nemendur geta komið og lesið í algjöru næði. Þetta lestrarherbergi er fráber viðbót við þá göðu aðstöðu sem til staðar er í setrinu en mjög góðar kennslustofur eru þar til staðar sem og aðstaða til hópavinnu. Nemendur hafa aðgang að þráðlausu neti setursins, prentara, ljósritunaraðstöðu, geymsluskápum, kaffisal og fleira. Einnig hefur Háskólasetrið aðstöðu til að veita rannsóknarnemum sérstaka aðstöðu og má þar nefna að í haust koma til Ísafjarðar rannsóknarnemar frá Sjávarútvegsskóla Saminuðu þjóðanna sem munu fá vinnuaðstöðu hjá Háskóla-

setrinu.

Í vor útskrifuðust 26 nemendur frá háskólum landsins sem höfðu að einhverju leyti stundað nám sitt hér í Háskólasetri Vestfjarða eða í Fræðslumiðstöð Vestfjarða áður en Háskólasetrið tók til starfa. Starfsmenn Háskólasetursins buðu útskriftarnemum til veislu þann 29. júní s.l., en þá var útskriftum úr öllum háskólum landsins loksins lokið. Nemendum var færð að gjöf bókina Tíma-
stjórnun í starfi og einkalífi eftir Ingrid Kuhlman. Þeir nemendur sem sáu sér ekki fært að mæta á hófið fengu gjöfina senda í pósti. Þessi veisla var mjög vel heppnuð og verður án nokkurs vafa árlægur viðburður.

Háskólasetur Vestfjarða hefur átt mjög gott samstarf við þá fjarnema sem héðan stunda nám sitt og svo verður alveg örugglega áfram. Starfsmenn setursins munu halda áfram að gera allt sem í þeirra valdi stendur til að auðvelda námsmönnum lífið eins og hægt er. Námsmenn eru sérstaklega hvattir til að koma á framfæri öllum mögulegum athugasemdum sem þeir gætu haft varðandi starfsemina og aðstöðuna.

● Borgin mín · Hörður Högnason, hjúkrunarforstjóri á HSI

Prag er falleg og mikil tónlistarborg



Prag er ein af þessum fáu borgum í Evrópu sem losnaði nánast algjörlega við eyðileggingu. Þar eru götur eftir götur með þessum eldgömlu húsum; tvö, þrjú og fjögur hundrað ára gömlum húsum. Hún hefur verið gerð upp á síðastu 25 árum, en var heldur grá eftir fall járntrjaldsins, og er nú orðin ofboðslega falleg. Prag er mikil tónlistarborg og eitt sinn þegar ég kom þangað um páska hefði ég getað valið úr 50-60 meiriháttar tónleikum á dag. Það finnst mér einna skemmtilegast við hana, en auk þess er þar góður matur og yndislegt fólk.



● Orðrétt af netinu · www.hugsjonir.is

Friðsöm mótmæli

Út frá hugsjónum frjálslyggjunnar mætti segja að friðsöm mótmæli væru hvers konar mótmæli sem skaða hvorki frelsi einstaklingsins né eignarétt hans. Góð dæmi um svona mótmæli er þegar að fólk skrifar undir mótmælendaskjal, segir upp starfi, stendur við Austurvöll og hlustar á mótmælafund eða einfaldlega mætir á opinn stjórnmalafund og lýsir yfir mótmælum sínum.

En þetta er ekkert í líkingu við hin svokölluðu „friðsömu“ mótmæli sem að náttúruverndarsinnar hafa staðið fyrir núna upp á síðkastið. Í fréttum hafa birst myndir af fólki sem hefur m.a. farið inn á hættuleg vinnusvæði og hlekkjað sig við vinnutæki eða klífrað upp í rúmlega 50 metra háa krana og þar með komið bæði sjálfum sér og öðrum í mikla hættu. Þó slær nú gíslatakan á starfsmönnum Hönnunar í Reyðarfirði allt út. Eftir á birtast þessir mótmælendur síðan í fréttum og skamma lögregluna fyrir það að hafa eyðilagð það sem að þeir kalla „friðsöm“ mótmæli.

Spennandi tímar framundan

Kammersveitin Ísafold var við æfingar í Tónlistarskóla Ísafjarðar í síðustu viku og undirbjó sína árlegu sumar-tónleikaferðar. Fyrstu tónleikar sumarsins voru svo haldnir í Hömrum. Kammersveitin er skipuð 19 ungum tónlistarmönnum sem þrjátíu fyrir ungan aldur eru allir reyndir tónlistarmenn og hafa hlotið fjölda viðurkenninga hérlendis sem erlendis. Kammersveitin hefur vakið mikla athygli á undanförunum árum og hlotið einróma lof gagnrýnenda fyrir heillandi túlkun og vandaðan flutning á sigildri og samtíma-tónlist. Í fyrra var sveitin útnefnd til Íslensku tónlistarverðlaunanna og vinnur nú að sinni fyrstu plötu í samstarfi við 12 tóna. Margir sveitar-meðlimanna spila reglulega með ólíkum öndvegistónlistarhópum landsins, allt frá Sínfóníuhljómsveit Íslands til Sigur Rósar. Bæjarins besta kíkta í heimsókn í Tónlistarskólann og náði tónlistarfólkinu við æfingar og spjallaði við stjórnanda sveitarinnar, Daníel Bjarnason, um dvölinna á Ísafirði og starf Kammersveitarinnar Ísafold.

– Hvað varð til þess að þið völduð Ísafjörð til þess æfinga og undirbúnings sumartónleikaferðar ykkar?

„Þetta er fjórða árið sem við förum í svona ferðalag. Fyrstu tvö árin förum við alltaf austur fyrir land og okkur langaði til þess að koma til



Ísafjarðar líka. En það var alltof langt að fara bæði austur og vestur í svona ferð. Í fyrra létum við þó verða af því að koma til Ísafjarðar og það var svo vel tekið á móti okkur og það er svo gaman að vera herna að við ákváðum að koma aftur í ár og vera aðeins lengur. Við héldum fyrstu tónleikana í Hömrum en ástæðan er líka sú að við flytjum verk eftir Hauk Tómasson sem á ættir að rekja hingað. Hann er bróðir Jónasar Tómassonar tónskálds.“

Kammersveitin Ísafold við æfingar í Hömrum.

– Haldið þið að þið munið koma aftur til Ísafjarðar?

„Já, ef við höldum áfram að fara út á land eins og við höfum gert síðustu fjögur ár, þá hugsa ég að við reynum að koma til Ísafjarðar. Hvort sem það verður að sumri eða vetri til getur breyst. Það getur allt breyst í framtíðinni, en við munum reyna halda tryggð við Ísafjörð.“

– Geturðu sagt mér aðeins frá Kammersveitinni Ísafold?

„Við erum 19 núna og ég held að við höfum aldrei verið

fleiri. Við búum flest öll erlendis og flestir eru annað hvort að klára framhaldsnám sitt eða að vinna sem atvinnumenn. Við höfum þennan fasta punkt hér heima fyrir á Íslandi að koma og spila með Kammersveitinni Ísafold. Við erum farin að bæta við okkur verkefnum núna og höldum líka tónleika á hinum enda ársins, í janúar. Hugmyndin er sú að vera með okkur verkefni yfir árið á Íslandi.

Kjarninn í sveitinni er hóp-ur sem var mikið saman í Tón-

listarskólanum í Reykjavík. Við stofnuðum þessa hljómsveit fyrir fjórum árum og síðan hefur hún vaxið og okkur vel tekið. Nú er spennandi tími framundan hjá okkur en við erum að fara taka upp plötu í samstarfi við 12 tóna. Á henni verður meðal annars að finna verkið eftir Hauk sem hann samdi fyrir okkur auk nokkurra verka sem við flytjum á sumartónleikum“, segir Daníel Bjarnason, stjórnandi sveitarinnar.

– thelma@bb.is

● Stuttar fréttir



Reyklausir dansleikir

Fjöldi manns lagði leið sína á dansleik með hljómsveitinni Stjórninni á Listasumri í Súðavík á laugardag. Vakti athygli að reykingar voru ekki leyfðar inni á dansleiknum en það er venjan á dansleikjahaldi í Súðavík, enda hefur það að undanfarin ár farið að mestu fram í íþróttahúsi staðarins. „Það hefur vakið mikla athygli að á Listasumri og Bryggjudoðum eru reyklusir dansleikir. Þetta hefur mælst vel fyrir hjá bæði hljómsveitum, gestum sem reykja ekki og jafnframt líka hjá flestum þeim sem reykja“, segir Vilborg Arnardóttir afhafnakona í Súðavík sem hefur verið mjög virk í félagslífi staðarins.

7. bekkur GÍ í skólabúðir

Nemendur í verðandi 7. bekk Grunnskólans á Ísafirði munu halda í skólabúðir að Reykjum í Hrutafirði frá 28. ágúst til 1. september nk. Ferðir af þessu tagi, til Reykja, eru árlegur viðburður og tíðkast hjá grunnskólum víða um land. 7. bekkur GÍ fer ævinlega fyrstu skólavikuna og er ferðin að sögn farin til þess að þjappa hópnum saman og koma skólastarfinu í gang. Í fyrra fóru á áttunda tug nemenda í sameiginlegri ferð GÍ og Grunnskóla Bolungarvíkur og heppn- aðist ferðin mjög vel. Þá var m.a. heimsóttur sveita- bær, þar sem fræðst var um landbúnað, og farið á kajak, sem ku hafa vakið mikla lukku.

● Brennslan mín · Katrín Líney Jónsdóttir, starfsmaður Síma-versins á Ísafirði með meiru

Alltaf til í að hlusta á eitthvað nýtt!

„Þessi listi er svona það fyrsta sem mér dettur í hug. Ég hef alltaf verið sögð vera þessi harða væmna týpa í tónlist. Það sést nú vel á þessum lista. Ég er alæta á tónlist og alltaf til í að hlusta á eitthvað nýtt. En það gamla situr nú samt alltaf sem fastast.“

1. Thunderstruck – AC/DC
Krafturinn í þeim er hrikalegur og ég fer á loft með „luftgítar“ um leið og ég heyri þetta lag.

2. Paradise City – Guns and Roses
Þetta lag klikkar ekki

þegar ég kenni spinning og er eitt það erfiðasta. Kraftur og púl.

3. Angels – RW
Oh, Robbie er bara æði. Hann er náttúrulega kóngurinn eftir að Elvis og Freddie fóru. Frábært að syngja þetta lag.

4. Bobby Brown – Frank Zappa
Ég og æskuvinkona mín hún Nanna hlustuðum á þetta daginn út og inn á okkar unglingsárum og textinn er hrikalega myndinn.

5. Hold on Tight – ELO

Og aftur var það ég og Nanna sem nauðguðum þessu lagi á sínum tíma og um mig fer ánægjustráumur þegar ég heyri það.

6. Everytime – Britney Spears
Þetta minnir mig á stóru ástina mína, hann Óla minn. Þetta lag var vinsælt um það leiti sem við kynntumst og við vorum mikið á ferðinni og þetta lag var spilað endalaust og sungið með.

7. S.O.S – Rihanna
Bara flott lag með þessari ungu söngkonu. Takturinn úr Tainted love kemur þessu lagi á listann hjá mér og svo

gripandi texti.

8. My best friend – Queen
Þegar ég heyri þetta lag hugsa ég um besta vin minn sem hefur staðið með mér í gegnum sárt og sætt, hann Óla minn.

9. Efemía – Papar
Ég heyrði þetta lag fyrst á Flateyri fyrir tveimur árum og var í góðra vina hópi og þetta lag markar upphafið af för og flutningi mínum hingað vestur.

10. Hvar sem ég fer – Á móti sól
Magni er náttúrulega í huga



Katrín Líney Jónsdóttir.

okkar allra og er hann að standa sig þvíflikt vel. Rock on Magni!



Hagnaður SPVF umfram áætlanir fyrstu sex mánuðum ársins

Rekstur Sparisjóðs Vestfirðinga gekk vel fyrstu sex mánuði ársins sem er umfram áætlanir. Sjóðurinn skilaði 145,2 millj. kr. hagnaði á tímabilinu á móti 85 milljóna króna hagnaði árið á undan, en umtalsverð hækkun er á markaðsverðbréfum sjóðsins. Stjórnendur sparisjóðsins gera ráð fyrir að afkoma fyrir árið 2006 í heild verði góð. Arðsemi eigin fjár á sama tíma var 31,1% en hún var 27,7% á árinu 2005. Vaxtatekjur á tímabilinu námu alls 474,5

milljónum kr. og hækkuðu um 23,8% frá sama tímabili árinu áður. Vaxtagjöld námu 346,5 milljónum kr. og hækkuðu þau um 54,5% frá fyrri árs-helmingi 2005. Hreinar vaxtatekjur sparisjóðsins námu því 141,3 milljónum kr. en þær voru 159,1 milljónir kr. á sama tímabili á síðasta ári.

Aðrar rekstrartekjur voru 307,0 milljónir kr. og hækkuðu um 94,7 milljónir kr. frá fyrri árs-helmingi ársins 2005. Hreinar rekstrartekjur námu 448,2 milljónum kr., en þær

námu 371,4 milljónum kr. árið áður. Rekstrargjöld sparisjóðsins námu 199,5 milljónum kr. en námu 180,7 milljónum kr. á árinu 2005. Framlag í afskriftarreikning útlána nam 81,4 milljónum kr., en var 89,2 milljónir kr. á árinu 2005.

Útlán sparisjóðsins námu 6.613,0 milljónum kr. og aukast um 664,1 milljónir kr. frá árinu 2005 eða um 11,2%. Markaðsverðbréf og eignar-

hlutir í félögum námu 1.627 milljónum kr. og hækka um 20,6%. Allar eignir sparisjóðsins í skráðum verðbréfum eru færðar á markaðsverði. Eigið fé Sparisjóðs Vestfirðinga í lok tímabilsins nam 1.141,4 milljónum kr. og víkjandi lán námu 444,8 milljónum kr. eða samtals 1.586,3 milljónum kr. Eiginfjárhlutfall samkvæmt CAD-reglum er 10,5% en það var 12,0% um síðustu áramót.



Sparisjóður Vestfirðinga á Ísafirði.

Sparisjóður Bolungarvíkur

Dregur úr hagnaði

Hagnaður Sparisjóðs Bolungarvíkur á fyrstu sex mánuði ársins 61,3 milljónum króna samanborið við 66,7 milljónir króna á sama tímabili í fyrra. Fyrir skatta nam hagnaður sparisjóðsins 71,7 milljónum króna samanborið við 75,6 milljónir á sama tímabili 2005. Arðsemi eigin fjár var 13,1% en var 14,9% fyrir sama tímabil 2005. Í tilkynningu kemur fram að vaxtatekjur sparisjóðsins námu á tímabilinu 289,4 m.kr. en það er 56,2% hækkun frá sama tímabili árið áður. Vaxtagjöld hækkuðu um 92,8% á tímabilinu og námu 219,7

m.kr.

Hreinar vaxtatekjur námu því 69,7 m.kr. samanborið við 71,4 m.kr. á sama tímabili árið áður. Vaxtamunur, þ.e. hreinar vaxtatekjur í hlutfalli af meðalstöðu fjármagns, var 2,51% á tímabilinu en 4,25% á sama tímabili árið áður. Aðrar rekstrartekjur voru 99,2 m.kr. en voru 117,7 m.kr. á sama tímabili árið áður. Önnur rekstrargjöld námu alls 76,1 m.kr. og lækkuðu um 8,1% frá sama tímabili árið áður. Laun og launatengd gjöld lækkuðu um 13,8% og annar almennur rekstrarkostnaður stóð í stað.



Gera á svæðið í kringum Látrabjarg að þjóðgarði.

Fyrstu drög að þjóðgarði við Látrabjarg lögð fram

Umhverfisstofnun hefur lagt fram fyrstu drög að því að stofnaður verði þjóðgarður við Látrabjarg sem nái að Rauðasandi, og yfir það svæði sem sjá má á annarri af tveimur myndum hér til hliðar. Þetta kemur fram í náttúruverndaráætlun 2004-2008.

Árið 2004 var samþykkt á Alþingi að stefna að því að friðlýsa svæðið áður en gildistími áætlunarinnar væri úti. Bæjarráð Vesturbýggðar tók málið fyrir á dögnum og lét bóka að hún styddi tillögu um þjóðgarð við Látrabjarg og mælti með því að hún yrði tekin til ítarlegrar umfjöllunar í bæjarstjórn, og vísaði erindinu til

umsagnar skipulags- og byggingarnefndar og landbúnaðarnefndar.

Samkvæmt náttúruverndaráætlun er gert ráð fyrir því að þrjú landsvæði verði friðlýst á Vestfjörðum en þau eru öll að hluta til eða í heild sinni á náttúruminjaskrá. Lagt er til að stofnaður verði þjóðgarður á sunnanverðum Vestfjörðum en hugmynd um þjóðgarð sem næði til Látrabjargs og Rauðasands var m.a. reifuð á málþingi sem heimamenn héldu í apríl árið 2002. Að auki er lagt til að friðland á Hornströndum verði stækkað til suðurs og eitt svæði verði verndað sem búsvæði plantna.

Lagt er til að friðland Hornstranda verði stækkað svo það nái suður fyrir Drangajökul og hin nýju mörk þess verði frá Kaldá í Kaldalóni í vestri og með hæstu brúnunum Drangavíkurfjalls til sjávar í austri. Í drögnum er einnig gert ráð fyrir því að Ingólfsfjörður, Trékyllisvík og Reykjarfjörður á Ströndum verði gerðir að svokölluðu búsvæði til verndunar sérstæðu gróðurfari og sjaldgæfum plöntutegundum.

Breið samstaða var á aðalfundi Ferðamálasamtaka Vestfjarða sem haldinn var í Bolungarvík í maí síðastliðnum, um að afar mikilvægt væri fyrir ferðaþjónustu á Vest-

fjörðum að svæðið í kringum Látrabjarg yrði skilgreint sem þjóðgarður. Ekki aðeins fyrir þá sem þjóða ferðir til Látrabjargs heldur alla sem koma að ferðaþjónustu. Fundurinn skoraði svo á Umhverfisstofnun, Náttúrufræðistofnun Íslands og Umhverfisráðuneyti að taka af skarið með framgang hugmyndarinnar og fylgja eftir náttúruverndaráætlun 2004-2008.

Umhverfisstofnun fjallar alls um 75 landsvæði í náttúruverndaráætlun 2004-2008. Friðlýsing tekur ekki gildi fyrr en allir réttthafar hafa samþykkt hana og þær reglur sem um svæðið eiga að gilda.



Slökkvistöðin á Ísafirði.

Útkall hjá slökkviliðinu um helgina

Slökkviliðið á Ísafirði var kallað út á laugardagskvöldið en tilkynning barst um reyk og neistaflug frá húsi á Ísafirði. Að sögn lögreglunnar var þó engin hættu á ferð því reykingar

lagði frá útiarinn og þegar slökkviliðsmennirnir mættu á vettvang var heimilisfólk í mestu makindum að orna sér við ofninn.

smari@bb.is